


CHINESE - JAPANESE LIBRARY of
HARVARD - YENCHING INSTITUTE
AT HARVARD UNIVERSITY
JAN 20 1940

TR 9299

7928.2

023



潛確居類書目錄卷之六十九

藝習部五 禮五

吉禮四

歷代帝王名臣
祈禱

功臣配享

齋戒

沐浴

藉田

黍稷

親禘

祭服

犧牲

包茅

祭器

祝史

餽

歸胙

脩饗

薄祭

淫祠

黷祀

逆祠

不祀

歷代聖帝名賢廟

總

祠黃帝

祠帝堯

祠虞舜

祀成湯

祀臯陶

哈佛大學
哈佛燕京
圖書館
珍藏印

祀信陵

祀子胥

祀蕭霍

祠文召

祀桓譚

祠武侯

祠橋玄

功臣配享

總

驚冕

祈禱

求幅

祈祥

禱宗周

祈黃耆

憂百姓

念兆民

黃氣墮室

白龍降祠

作詞以通

山竝以通

神仙請吉凶

仙室禱風雨

非令而禱法不立

釋勢與民民不用

薦

總

開冰

薦鮪

登穀

以仲月

如朔奠

羞含桃

獻櫻桃

以蕘嘗麥

以犬嘗麻

薦韭薦稻

配羊配豚

玄保珍新

張冲菜果

食祭

瓜祭

魚祭

先客祭

後君祭

太祝辨祭

慶封汎祭

殺進徧祭

水漿不祭

蔬食不祭

齋戒

總

恭默

信

變食

遷坐

三日

十日

齋車

齋冠

拜將

授師

思志意

訖嗜慾

三日致

七日散

齋五日

齋六日

子所慎

顯不敬

奏妻罪

收妻獄

不樂不吊

定之齋之

齋而學道

齋以送壁

道乃可成

神光顯著

顏回不飲酒

周澤臥齋宮

沐浴

總

去垢

進飲

沐稷

沐創

髮晞

心覆

握髮

捉髮

膏沐

羸浴

溲浴

沐咸池

濯陽谷

浴蘭湯

履蒯席

浴乎沂

浴同川

彈冠振衣

燂湯燂潘

耕藉

總

事天

祈社

教養

致敬

省功

勞酒

饗醴

賜食

三推

千畝

千耦

萬轡

青犢

紺轆

青壇

華畢

給宗廟

事社稷

司農掌

甸師掌

戒農用

具田器

降靈壇

脩帝藉

侯知敬

史奉禮

皇后獻種

太史順時

農正陳禮

司空除壇

埜廬埽路

百官御事

庶民必從

置耒軾上

耕田宮中

發趾千畝

帥先萬國

親祭之義

勸農之道

周宣不藉

漢文開藉

黍稷

薌合

明粢

薌其

嘉蔬

豐備

鮮潔

非馨

不鑿

神倉

御廩

終禮

名物

陳簠簋

實籩豆

明水滌

甸師供

廩人供接盛

春人供米物

親蠶

總

三灑

三纁

服青纁

載筐鉤

辛蠶館

置織室

蠶於北郊

采桑東郭

身致誠信

分繭稱絲

祭服

虞韞

殷嘒

玄冕

黃冠

紺綱

被袞

給服

明衣

尸服

舜始作

禹致美

毳不釋

敝則焚

絳衣從事

單衣饋饌

犧牲

以純

以駢

尚赤

貴誠

用特

餼羊

辰牡

駢剛

駢角

白牡

牢禮

餼牽

帝牛

公牛

肥牛

索牛

柔毛

疏趾

雞牲

羊牲

膷臠

骨臠

腥肆

豚肩

羊肆

肉豆

天產

午割

博碩

柔嘉

膾膾

臍膋

沈埋

伏瘞

祠三

主五

中度

歆神

在滌

納烹

飾牲

善牲

庀牲

夕牲

薦牲

免牲

不愛

不鬻

登首

斷尾

繫三月

芻三月

庖人供

饗人倫

展觶角

無腸胃

無用牝

不用大

不敢加

不相用

死則埋

孕不用

掌割烹

負革肉

用三犧

具二牲

牲則告牲

牛曰大武

爾牲則具

駢牡既備

天子之牛

宗廟之牛

水菹陸醢

牲俎簋實

羔豚皆足

吉則改名

共以待事

口傷改卜

食角改卜

籩豆靜嘉

苾椒馨香

物備陰陽

骨取貴賤

吉燭為飾

嘉薦普淖

供其水藁

設其楅衡

用馬於墉

用牲於社

苞茅

藉白

包菁

縮酌

裹肉

甸師供

鄉師供

江淮靈物

楚人職貢

祭器

六尊

四豆

六彝

八簋

四璉

六瑚

籩豆

簋簠

解角

醢斝

瓢齋

登豆

山蠹

犧象

雞彝

犧樽

著尊

加邊

黃目

白蜃

作繪

為雕

有踐

多陳

不假

不設

實陳

滌濯

美備

言約

貢器

造為先

展告備

閭胥供

有司陳

貧不鬻

敝則埋

敬則用

官不備

供明齊

執籩豆

用兩壺

幕六爨

外缶內壺

上樽下壘

用脩用蜃

貴脾貴肩

朝事之籩

饋食之籩

薦用雕玉

器用陶匏

鳥獸不登

翡翠以飾

主人自徹

婦人不徹

進俎不坐

羞俎於內

籩豆靜嘉

籩豆既設

祭器不踰境

犧象不出門

祝史

將命

薦信

正辭

贊奠

在廟

於室

致告

醕尸

祝嘏

祝號

事鬼神

告慈孝

掌六祈

作六辭

辨六號

辨九祭

祈福祥

遠臯疾

詞無愧

祝有益

不越尊俎

徧取黍稷

祀事孔明

祝史矯舉

宜稼於田

宜穡於房

量人舉授等

啐酒進聽殿

餽

不祭

從卑

祭之末

神之惠

君與卿

下餽上

歸胙

受釐

致福

受贖

執膳

宰孔賜

中生歸

親兄弟

賜諸侯

修廢祭

晉脩虞祀

燕祭齊廟

為立良止

命祀康叔

咸秩無文

靡神不舉

索神求廢

興滅繼絕

薄祭

盡志

能貧

昭儉

薦信

祀無豐昵

菲不廢禮

西隣禴祭

晏子豚肩

物已僎卑

淫祠

不歆

無福

媚竈

卜河

祭埜

非族

非類

誣祭

諛祭

用蔡子

舍神君

周公不享

漢武禁祠

宮祠黃老

望祀蓬萊

務鬼信巫

宋公祀睢社

季氏旅泰山

瀆祀

神無常享

君有何福

逮闇而祭

跛倚以祭

禴祭不如

行潦可薦

敬不足也

神其吐之

不祀

無乃殄

不其餒

身不親涖

吾不與祭

不享久矣

不祀忽諸

湯征葛伯

晉滅鄆舒

楚讓夔子

賈

宋公脈御城

三十九

確居類書卷六十九

史官陳仁錫明卿父纂輯

藝習部五 禮五

吉禮四 歷代帝王名臣

功臣配享

齋戒

沐浴

藉田

黍稷

親蚕

祭服

儀牲

包茅

祭器

祝史

餼

歸胙

修廢祀

歷代聖帝名賢廟

總○禮記月令孟春禱祝山川古之卿士有益于人

者后稷勾龍之類○五經并義公侯祭百辟自卿以下不

過其族其鬼神之所及其類聚弗紹其國位百辟者百君先有功德于人者。今在其位。故報祭之。○
 通典後魏孝文太和十六年。詔曰。法施于人。祀有明典。立功垂惠。祭有常式。其孟春應祀者。頃以事殷。遂及今日。可令以仲月而享祀焉。凡在祀令者。有五。帝堯樹則天之功。與巍巍之治。可祀於平陽。虞舜播太平之風。致無為之化。可祀於廣寧。夏禹禦洪水之災。達天下之利。可祀於安邑。周文公制禮作樂。垂範萬葉。可祀於洛陽。其宣尼廟。已于中。自別勅有司行事。自文公以上。可令當界牧守。各

隨所近攝行祀事。皆用清酌。尹祭也。

曲禮曰。脯。曰尹祭。

○

隋制使祀先代王公。帝堯于平陽。以契配。帝舜于河東。咎繇配。夏禹于安邑。伯益配。商湯于汾陰。伊尹配。文王武王于渭澧之郊。周公召公配。漢高帝于長安。蕭何配。各以一太牢而無樂配者。享于廟庭。○唐前修禮令。無祭先代帝王之文。禮部尚書許敬宗等奏。謹按禮記祭法云。聖王之制祭祀也。法施于人。以死勤事。以勞定國。能禦大災。能捍大患。則祀之。其漢高祖祭法無文。但以前代迄今。多行秦漢故事。始皇無道。所以棄之。漢祖典章。法垂

于後自隋以上亦在祠例。今請聿遵故實。二年一祭以仲春之月。天寶六載正月制。三皇以前帝王宜于京城內。共置一廟。仍與三皇五帝廟相近。以時致祭。天皇氏。地皇氏。人皇氏。有巢氏。燧人氏。其祭料及樂。請准三皇五帝廟。以春秋二時享祭。歷代帝王肇跡之處。未有祠宇者。所繇郡置一廟。享祭。仍取當時將相德業可稱者二人配享。

祠黃帝 ○通典漢武帝時有人言古者天子以春解祠黃帝。用一梟破鏡。張晏曰。黃帝五帝之首也。春歲之始也。梟。惡逆之鳥。方生虛誕云。以歲首破除凶災。令神飭之。帝食惡逆之物。使天下為逆者破滅。梟名食。拜破鏡名食。

使東郡送梟。五月五日作羹以賜百官。解祠者。罪求福也。 ○史記漢武帝本紀武帝北巡朔方。勒兵十餘萬。還祭黃帝冢。 ○後魏文帝東巡。歷橋山。祀黃帝。

祠帝堯 ○後漢書章帝詔使者奉太牢。致祠唐堯于咸陽。 ○元和春東巡狩。使使者奉一太牢。祠帝堯于濟陰。

祠虞舜 ○史記始皇出遊於雲夢。望祠虞舜于九嶷山。 ○漢書元封五年冬。帝南巡狩。至於盛唐。望祠虞舜于九嶷。

禮成湯○詩序那祀成湯也。微子至于戴公。其間禮樂廢壞。有正考父者。得商頌十二篇于周之太師。以那為首。

祀臯陶○東晉孝武帝寧康三年七月。故事禮臯陶

于廷尉寺。新禮移祀于律署。以同祭先聖于太學。

舊祀以社日。新改用孟秋。以應秋政。摯虞按虞書。臯陶作士。惟

明克允。國重其功。人思其當。是以樂官禮其神。繫名致其祭。功在斷獄之成。不在律令之始也。太學之祠。義同太常。故祭於太學。律之署。卑于廷尉。祭用仲春。義取重生。改用孟秋。以應刑殺。理未足以相易。宜定新禮。皆如舊制。

祀信陵○漢書高祖微時聞魏公子賢。及即位。每過

大梁。常祀公子。高祖十二年。從擊黥布還。為公子置守冢五家。世世以歲時奉祠。

祀子胥○吳越春秋。夫差帥詣羣臣出國門。祠子胥

于江濱。諸臣並在。夫差乃言曰。寡人蒙先王之遺

恩。為干乘之主。昔不聽相國之言。乃用讒佞之辭。

至今相國遠沒江海。自亡以來。濛濛惑惑。如霧蔽

日。莫誰與言。泣下沾襟。哀不自勝。左右羣僚莫不

悲傷。

祀蕭霍○東觀漢記。永平二年十一月。詔京兆右扶

風。以中牢祀蕭何。霍光。出郡錢穀給蕭何子孫。在

郡。以中牢祀蕭何。霍光。出郡錢穀給蕭何子孫。在

三里內者悉令侍祠

祠文召○前漢書元始四年詔書祀百辟卿士有益于民者蜀郡以文翁九江以召父應詔書歲時郡二千石率官屬行禮奉祠信臣家在南陽亦爲立祠

祀桓譚○東觀漢記桓譚字君山沛人章帝元和中行巡狩至沛令使者至譚家鄉里甚榮之

祀武侯○史後主景耀六年詔爲丞相諸葛亮立廟于沔陽先是所在各請立廟不許百姓遂因時節以祭之于道陌或以爲可立于京師帝皆不納步

兵校尉習崇中書侍郎向充等上言曰自漢以來小德而圖形立廟者多矣况亮德範遐邇勳蓋季漢而烝嘗止於私門廟貌闕而莫立非所以存德念功遠追在昔也今若盡從人心則躡而無典建之京師又逼宗廟宜因近其墓立之于沔陽使所屬以時賜祭凡其臣故欲奉祠者皆限至廟斷其私祀於是從之何承天駁之曰周禮凡有功者祭于大烝故後代遵之元勳配享充等曾不是式帝又從之

祠橋玄○魏武帝少時漢太尉橋玄獨先禮異焉故

建安中遣使祠以太牢

功臣配享

總○通典殷盤庚云茲予大享于先王爾祖其從與

享之周制夏官司勳掌六卿賞地之法以等其功

賞地賞田在遠郊之內屬六卿王功曰勳輔成王

馬等猶差也以功大小為差業若周

公國功曰功保全國家民功曰庸法施於人事功

曰勞以勞定國理功曰力制法成禮戰功曰多勉敵

若韓信陳平司馬法曰凡有功者銘書于王之太

常祭於大烝司勳詔之銘之言名生則書于王旌

大烝先王祭之詔謂告其神以辭若盤庚告其卿大

夫曰茲予大享于先王爾祖其從與享之是也

大功司勳藏其貳貳者副也功書藏于天府○漢

制祭功臣于庭生時侍讌于堂死則降在庭位與

士庶為列○魏祀曹真於太祖廟祫太祖祀功臣

二十一人又高堂隆議曰按先典祭祀之禮皆依

生前尊卑之敘以為位次功臣配食于先王象生

時侍讌之禮大夫以上皆升堂以下則位于庭其

餘則與君同牢至于俎豆薦羞唯君備公降于君

卿大夫降於公士降于大夫使功臣配食于烝祭

所以尊崇其德明其勳以勸嗣臣也議者欲從漢

氏祭之于庭此為貶損非寵異之謂也貴者取貴

骨。賤者取賤骨。

凡牲體前貴後賤

今使配食者因君之字

以貴賤為俎庶合事宜。周志曰。勇則害上。不登于

明堂。共用謂之勇。

共用。死國用。

言有勇而無義。死不登

堂而配食。此即配食之義。位在堂之明審也。下為

北面三公朝立之位耳。讌則脫屣升堂不在庭也。

凡獻爵有十二。九。七。五。三。之差。君禮大夫三獻。太

祝令進三爵于配食者可也。○晉散騎常侍任茂

議按魏功臣配食禮敘六功之勳。祭陳五祀之品。

或祀之於一代。或傳之于百代。蓋社稷五祀所謂

傳之于百代者。古之王臣有明德大功。若勾龍之

能治水土。柱之能植百穀。則祀社稷。异代不廢也。

昔湯既勝夏。欲遷其社。不可。乃遷稷。以周棄德可

代柱。而勾龍莫廢也。若四敘之屬。分主五方。則祀

為貴神。傳之异代。載之春秋。非此之類。則雖明如

咎繇。勳如伊尹。功如呂尚。各於當代祀之。不祭于

異代也。然則伊尹于殷。雖有王功之茂。不配食于

周之清廟矣。今之功臣。論其勳績。比咎繇伊尹呂

尚。猶或未及。凡云配食。各配食于主也。今主遷廟

臣宜從享。大司馬石苞等議。魏代功臣宜歸之陳

留國使修常祀。允合事理。○梁武帝初何佟之議

曰禘于夏首。物皆未成。故為小祫。于冬。萬物皆成。其禮斯大。近代禘祫。並及功臣。有乖古典。請唯祫祭。乃及功臣。從之。○唐貞觀十六年。有司言禮。功臣配享於廟庭。禘享則不配。依今禘祫之日。功臣並得配享。請集禮官學士等議。太常卿韋挺等議曰。古者臣有大功享祿。其後子孫率禮。潔粢豐盛。祫祀烝嘗。四時不輟。國家大祫。又得配焉。所以昭明其勳。尊崇其德。以勸嗣臣也。其禘及時享。功臣皆不應享。故周禮六功之官。皆配大烝而已。先儒皆以大烝為祫祭。梁初。誤禘功臣。左丞何佟之駁議。武帝允而依行。降暨周齊。俱遵此議。竊以五年再殷。合諸天道之大小。小則人臣不與。大則兼及有功。禮禘無配功臣。誠為理不可易。從之。

驚冕 ○周禮春官司服掌王之吉服。享先公饗射則驚冕。

祈禱

求福 ○說文告事祈福為禱。

祈祥 ○周禮大祝職六祝之辭以事鬼神示祈福祥。

求永貞 鄭注云。永。長也。貞。正也。求多福。歷年得正命也。

禱宗周 ○周書四月孟夏。王初禱于宗周。乃嘗麥于

廟

祈黃耆 ○詩行葦篇曾孫唯主酒醴唯醺酌以大斗以祈黃耆

憂百姓 ○淮南子聖人者不恥身賤而媿道之不行

不憂命之短而憂百姓之窮也是故禹為水以身

解于陽沔之河湯為旱以身禱于桑林之下

念兆民 ○東觀漢記鄧太后嘗不安左右憂皇至今

禱祀願以身代牲鄧太后聞之甚怒即勅令禁止

以為何故乃有此不祥之言左右咸流涕歎息曰

太后臨大病不自顧而念兆民後病遂瘳豈非天

地之應與

黃氣墮室 ○異苑晉簡文既廢世子道生次子郁又

早卒而未有息嗣濮陽令在帝前禱至三更鬱鬱

有黃氣自西南來墮室前是夜幸李太后而生孝

武皇帝

白龍降祠 ○詳請雨

作辭以通 ○周禮大祝作辭以通上下疎親遠近注鄭

云禱于天地社稷宗廟主為其辭詳祝史

告訴以通 ○荀悅中鑒或問神何以格曰一誠所感

自然神應故精神以底之犧牲玉帛以昭之禱祈

告訴以通之

神仙請吉凶○**[搜神記]**益州有神仙以石爲室其民奉祠之自稱黃室公凡欲問吉凶者持紙筆及墨置石室中須臾來視之其言吉凶甚驗不見其形仙室禱風雨○**[列仙傳]**歷陽有彭祖仙室禱請風雨詳請雨

非令而禱法不立○**[韓子]**秦昭王有疾百姓里買牛而家爲王禱公孫述出見之入賀王曰百姓乃皆里買牛爲王禱王曰罰之人二甲夫非令而擅禱是愛寡人也夫愛寡人寡人亦且改法而心與之相循者是法不立法不立其亂亡之道也不如人罰二甲而復與爲治

勢與民民不用○**[韓子]**秦襄王病百姓爲之禱病愈殺牛塞禱王聞之言其里正與王老屯二甲聞過公孫衍恠而問之王曰子何故不知于此彼民之所爲我用者非以吾愛之爲我用者也以吾勢之爲我用者也吾釋勢與民相收若是吾適不愛而民因不爲我用也故遂絕受道也

薦

總○**[說文]**薦進也○**[禮]**大夫士有田則祭無田則薦

○穀梁傳宮室不設不可以祭者薦薦其時也薦其敬也薦其義也非享味也

開冰○月令仲冬獻羔開冰先薦寢廟

鄭注云獻羔謂祭司寒也

祭司寒而冰薦於宗廟後乃賦之

薦鮪○月令季春天子乘舟薦鮪于寢廟

鄭注云進時美物也

登穀○月令孟秋農乃登穀天子嘗新薦寢廟

以仲月○祭以首時薦以仲月

如朔奠○禮燕新如朔奠

含桃○月令仲春之月天子乃以雛嘗黍蓋以含

桃先薦寢廟

櫻桃○漢書孫叔通傳云上嘗出遊離宮通曰古

者有春嘗菓方今櫻桃熟可獻願陛下出因取櫻

桃獻宗廟上許之諸菓之獻錄此典

以彘嘗麥○月令孟夏以彘嘗麥先薦寢廟

注云麥之新氣

尤盛以彘嘗之散其其執也且彘水畜也

以犬嘗麻○月令仲秋以犬嘗麻先薦寢廟

鄭注云麻始熟

薦韭薦稻○庶人春薦韭夏薦麥秋薦黍冬薦稻

配羊配豚○月令韭以羊麥以魚黍以豚稻以鴈配

也

玄保珍新○沈約宋書羊玄保自少至老謹于祭奠

四時珍新未經祠薦者口不妄嘗

張冲菜果○齊書張冲永明八年為假節監青冀二

州行刺史事冲父初卒遺命曰祭我必以鄉土所

產無用牲物冲在鎮四時還吳國取果菜每至蒸

嘗輒流涕薦焉

食祭

瓜祭○禮記瓜祭上環

魚祭○魚祭膾膾大臠也謂剗魚腹也

先客祭○客不降等則先祭

後君祭○若賜之食君命之祭然後祭之

太祝辨祭○周禮春官太祝辨九祭一命祭若禮云

君命客祭而祭之是也二衍祭主人延賓祭三炮

祭炮讀為包若兼祭於豆四周祭謂殺之序編祭

之也五振祭六擣祭振擣亦本同不食者擣則祭

之將食者既擣必振乃祭也七絕祭八繚祭九其

祭絕繚亦本同禮多言繚之略者絕之則祭也其

猶授拜王祭食宰夫授祭者也

擣音軟平聲以肝肺擣鹽醢中以祭

慶封汎祭○左傳叔孫穆子食慶封慶封汎祭謂遠

散不恭也

殺進編祭○禮記主人延客祭祭食祭所進殺之序

徧祭之

注祭先君子有食不忘本也

水漿不祭○唯水漿不祭為已饑卑

注已太也饑厭之也

蔬食不祭○孔子曰少施氏食我以禮而飽吾祭作

而辭曰蔬食不足祭也

齋戒

總○說文齋戒潔也齋之為言若於此而齋戒也○

禮祭統齋之為言齊也齊不齊以致齊者也是故

君子非有大故非有恭敬也則不齋又曰君子之

祭也專治其精明之德故散齋七日以定之致齋

日以齊之又曰定之之謂齋齋者精明之至也

然後可以對神明也○子曰齋戒以事鬼神恐人

之不敬也○白虎通齋者言已之意念專一精明

也

恭默○恭默思道

誠信○必誠必信

變食○齋必變食改常饌也

遷坐○居必遷坐

三日○孔子曰三日齋一日用之猶恐不敬二日伐

鼓何居注齋者止樂

十日○桓公將與管仲飲十日齋戒

齋車○王藻君齋車羔幣虎植士齋車鹿幣豹植鄭玄

注云。幣。覆也。植。謂緣也。君齋車用羔羊皮為幣。虎皮飾也。

齋冠○王藻玄冠丹組纓諸侯之齋冠也玄冠綦組

纓士之齋冠也鄭注云齋時所服也

拜將○漢高祖擇日齋戒設壇具禮拜韓信為大將

軍

授師○楚武王授師將齋曰余心蕩矣蕩動散也

思志意○齋之日思其笑語思其居處思其志意思其所樂思其所嗜慾

其所樂思其所嗜慾

訖嗜慾○祭統君子之將齋也防其邪物訖其嗜慾

耳不聽樂故記曰齋者不樂言不敢散其志也心

不苟慮必依於道手足不苟動必依於禮

三日齋○禮坊記七日戒三日齋承一人焉以為尸

過之者趨走以教敬也

七日散○禮外傳大禮散齋七日致齋三日則十日

齋矣

齋五日○漢舊儀大祀齋五日小祀齋三日

齋六日○黃帝問玄女兵法曰六甲將及夫人姓名

服色曰其將皆著青幘小冠帶白綬夫人足皆各

象其禽獸足凡欲致神格當于帛上書諸神名如

法祭齋事六日見形。六十日一祭合諸神見之。
子所慎○子之所慎齋戰疾

顯不敬○漢邴吉子顯為諸曹嘗從祀宗廟至夕牲
日乃使出取齋衣吉恐謂夫人曰祭重事顯不敬
亡我我爵不顯

奏妻罪○晉劉毅嚴酷妻有過立加杖捶嘗居齋宮
妻省之即奏加妻罪請解齋

收妻獄○許周澤臥齋宮

不樂不吊○曲禮齋者不樂不吊

鄭注云為哀樂則失正蔽其思也

定之齋之○許致德條

齋而學道○鬼谷子周有豪士居鬼谷號為鬼谷先生
蘇秦張儀往見之先生曰吾將為二子陳言至
道子其齋戒擇日而後學秦儀齋戒而往

齋以送璧○史記藺相如列傳相如語秦王曰趙王
送璧時齋戒五日今大王亦宜齋戒五日設九賓
于庭臣乃敢上璧秦王度終不可強奪遂許齋五
日舍相如廣成傳舍

道乃可成○春秋合誠圖黃帝請問太一長生之道
太一曰齋戒六丁道乃可成

神光顯著○漢宣帝詔曰迺者鳳皇甘露降集京師

嘉瑞並見。齊戒之暮，神光顯著。上帝嘉饗，海內承福。可赦天下。

顏回不飲酒。○莊子：顏回見仲尼，將之衛，曰：奚爲？曰：衛君其年壯，其行獨輕，用其國。回嘗聞之，夫子曰：治國去之。亂國就之。醫門多疾，願以所聞思其則。庶幾其國有瘳乎？仲尼曰：齊居。將語若。回曰：回之家貧，惟不飲酒，茹葷者數月矣。若此，則可以爲齊乎？曰：是祭祀之齊，非心齋也。敢問：心齋，曰：若一志，無聽之以耳，而聽之以心；無聽之以心，而聽之以氣。聽止于耳，心止于符。氣也者，虛而待物者也。惟道寂虛，虛者，心齋也。

周澤臥齋宮。○續漢書：周澤爲太常，清潔循行，盡敬宗廟，嘗臥疾齋宮。其妻哀澤老病，闕問所苦，澤大怒，以妻干犯齋禁，遂收送詔獄謝罪。當世疑其詭激，時人謂之語曰：生世不講，作太常妻。一歲三百六十日，三百五十九日齋，一日不齋，醉如泥。

沐浴

總○君子齋戒必先沐浴

去垢○浴不必江海，要之去垢

進飲○禮履席

謂浴後履前席也

衣布帛，晞身，乃履進飲，以盈

氣

沐稷○禮沐稷而饋誨梁櫛用櫛櫛髮晞用象櫛進

機進羞工乃升歌注進羞作樂以盈器也

沐創○居喪之禮頭有創則沐

髮晞○禮見上沐稷條晞乾也

心覆○頭須見晉侯晉侯辭以沐謂僕人曰沐則心

覆心覆則圖反宜吾不得見也

握髮○周公下白屋之士一沐三握髮後世稱其聖

賢

鬻髮○左傳叔武將沐聞君至喜捉髮以出前驅射

而殺之

注叔武魏侯弟守國者

膏沐○詩自伯之東首如飛蓬豈無膏沐誰適為容

羸浴○左傳重耳行及曹曹共公聞其駢脅欲觀其

羸浴薄而觀之

漏浴○禮內外不共漏壁器浴室也

沐咸池○楚辭與汝沐兮咸池晞髮兮陽之阿

濯陽谷○楚辭朝濯髮于陽谷

浴蘭湯○幽明錄廟方四丈不作也廂壁道廣五尺夾

樹蘭香齋者煮以沐浴然後親也示所謂浴蘭湯○

楚辭浴蘭湯兮沐芳

履蒯席○禮浴用二巾上絺下綌出杆汗履蒯席杆

浴之

浴乎沂○論浴乎沂風乎舞雩詠而歸

浴同川○夷狄男女同川而浴

彈冠振衣○楚辭新沐者必彈冠新浴者必振衣

燂湯燂潘○禮子事父母五日則燂燂請浴三日具

沐燂潘請醕足垢燂湯請洗注燂也音誨洗面也

○左傳遺之潘沐

耕藉

總○說文帝藉千畝者使民如借故之藉○禮記

孟春之月天子乃以元日祈穀于上帝天子親載

耒耜帥三公九卿諸侯大夫躬耕帝藉天子三推

三公五推卿諸侯九推庶人終也反乃執爵于太

寢命曰勞酒○又乃擇元辰夫也親載耒耜置之

車右公卿諸侯大夫躬耕籍田元辰蓋郊後吉

○又天子耕于南郊諸侯耕于東郊○又昔者天

子為藉千畝冕而朱紘諸侯百畝冕而青紘躬執

耒以事天地山川社稷先古以為醴酪粢盛于是

乎取之敬之也○五經要義天子藉田千畝孟冬

啟蟄既郊之後率公卿大夫而親耕焉所以先百

姓而致孝敬○應劭漢官儀天子升壇公卿耕訖
 嗇夫下種藉田亦曰帝藉亦曰耕藉亦曰東耕亦
 曰親耕亦曰王藉○又東耕之日親率公卿戴青
 幘載青車駕蒼馬公卿以下車駕如常法○論衡
 立春東耕為土象人男女各二○執耒鉏錢或立土
 牛象人土牛未必能耕也從氣○應時示帥下也○
 漢舊儀春始東耕于藉田祠先農以一牢○梁五
 禮藉田儀注其田東去宮八里○延十六里為千畝
 天子耒耜一具公耒耜三具卿大夫耒耜九具立方
 壇以祀先農○隋書禮志北齊耜于帝城東南千
 畝每歲正月上辛後吉亥使公卿以太牢祀先農
 神農于壇上祭訖親耕

事天○禮記詳總

祈社○詩詳後千耦

教養○禮記耕藉所以教諸侯之養也

致敬○五經要義詳總

省功○國語后稷省功太史監之司徒省民太師監

之畢宰夫陳饗膳宰監之夫贊王主歆太宰班嘗

之庶人終食賈逵注太史三公官也

勞酒○禮詳總○陳江總勞酒賦在陽春之仲序覽

具物之芳菲。帥公卿而播百穀。親耒耜而命三推。開青壇于迺甸。列翠幕于清泚。乃遵執爵之典。爰降食苹之燕。嚳朱鳥之高窓。啓黃龍之抗殿。奏帝鴻之萬舞。動鈞天之九變。顧曲私之亭育。遞寒暑而徂遷。謬陳力而策駘。豈耐恩于暮年。

饗醴 ○國語王親饗醴

賈逵注曰。饗飲也。王沐浴飲醴酒。

賜食 ○東觀漢記永平十三年二月耕藉田畢。賜觀者食。有一諸生前言善哉。文王之遇太公也。上書版曰。生非太公。予亦非文王。

三推 ○禮詳摠

千畝 ○禮詳摠

千耦 ○毛詩載芟春藉田而祈社稷也。載芟載柞。其耕澤澤。千耦其畝。徂隰徂畛。侯王侯伯。侯亞侯旅。侯疆侯以。○繆襲藉田賦。詔句芒使掌曆。句勅義仲以農期。儀農祥而舉趾兮。樂田祖以幽詩。嘉載芟之千耦兮。美振古之如茲。

萬轡 ○徐爰賦。隱千軫以風行。闐萬轡而霧轉。白口

麗晷于桑塗。大駕稅幸于疆畀。

青幘 ○漢官儀詳摠

緝轅 ○潘岳藉田賦。伊晉之四年正月。皇帝親率羣

后藉于千畝之甸。禮也。于是乃使甸師清畿。埜廬掃路。封人壝宮。掌舍設板。青壇蔚其嶽。立翠幕黹。以雲布。結崇基之靈趾。啓四塗之廣阡。沃塗墳。腴膏壤。平砥清洛。濁渠引流。激水。遐阡絕直。邇陌如矢。蔥襜服于縹軌。緝轅綴于黛輶。儼儲駕于塵左。俟萬乘之躬履。百僚先置位以職分。自上下下。具惟命臣。襲春服之萋萋。接游車之麟麟。微風生于輕幘。纖埃起乎朱輪。森奉璋以階列。望軒皇而肅震。若湛露之晞朝陽。似衆星之拱北辰。于是前驅魚麗。屬市鱗萃。閭闔洞啓。參塗方駟。常伯常伯不

大侯乘

晉后妃獻種。稷之種。司農撰播植之器。挈

壺掌升

降之節。宮正設門閭之蹕。天子乃御玉輦

陰華益

倒牙錚鎗。綃統粹解繅繅表朱玄于離坎

飛青縞于震兌。中黃擘以發暉。方綵紛其繁會。震

震填填以幸乎藉田。蟬冕頰以灼灼。碧色肅其芊

芊。似夜之剖荆璞。若松柏之依山巔。于是我皇

乃降靈宜撫御耦。遊塲染履。洪縻在手。三推而舍。

庶人終以貴賤。以班或五或九。躡踵側肩。倚裳連

袂。黃塵為之四合。陽光為之潛翳。動容發音。而觀

者莫不抃舞乎康衢。嘔呼乎聖世。有邑老田父。進

而蹈曰。蓋損益隨時。理有常然。高以下爲基。民以食爲天。九土之宐。弗任四民之務。不一。展三時之弘務。致心廩之盈溢。固堯湯之用心。而存救之要術。若乃朝祀有事。祝宗諏日。黍稷馨香。旨酒嘉粟。古人有言曰。管者明王以孝治天下。其或繼之者。希矣。逮我皇晉。實光斯道。儀刑乎于萬國。愛敬盡于祖。又作頌曰。思樂甸畿。薄采其芣。大君戾止。言藉其農。其農三推。萬方以祗。藉我公田。實及我私。我簋斯齊。我倉如陵。我庾如坻。念茲在茲。永言孝思。人力普存。祝史正辭。神祇攸歆。逸

言無期。一人有慶。兆民賴之。

青壇○上勞酒

華畢○徐爰賦。衍參徒之廣闊。眇道路之悠遠。增墾墾之未。驚渺同方。其已反。

給宗廟○漢書詳總。漢文開藉。

事社稷○禮詳總。

司農掌○曹植藉田賦。營疇萬畝。厥田上上。奇柳夾

路名。被園司農實掌。是謂公田。

甸師掌○周禮甸師掌。率其屬而耕耨王藉。以時入之。以供粢盛。

戒農用○國語命農大夫咸戒農用

具田器○藉田賦具田器布農事

降靈寶一詳潘岳賦

修帝藉張衡東京賦乘鸞輅而駕蒼龍介馭間以

剡藉三推于天田修帝藉之千畝

侯知敬○樂記武王克殷耕藉然後諸侯知所以敬

鄭注

史奉禮宋任豫藉田賦瞻望圭景咫尺三川緇彼

帝藉有餘年映至德于盛位儷列畧于微辰紆

汾陽昧且信堯心而禹勤史奉載耜之禮民奏

舉趾之歌膏壤與式既同區勢平易畎陌修

通提攜丘澤眺初

皇后獻種○周官土春詔皇后帥六宮之人而生種

稷之種而獻之于王

太史順時○國語周宣王不藉千畝虢文公諫曰稷

為大官古者太史順時規土陽瘴憤盈土氣震

發農祥晨正日月旅于天廟土乃脉發稷以告王

曰史帥陽官以命我司事曰距今九日土其俱動

王其祗祓監農不易賈逵云祗敬也祓除也不易

農正陳禮○國語賈逵注曰農正田大夫主敷陳藉

禮而祭其神為農祈也

司空除壇○國語司空除壇于藉先時五日警告有

協風至王既齊宮百官御事各即其齊三日主乃

淳濯及期裸壇享禮乃行

墊廬埽路○詳潘岳賦

百官御事○國語賈逵注曰御治也

庶民必從○國語庶民必從

置耒軾上○晉輿服志金根車天子親耕所乘也置

耒耜于軾上

耕田宮中○漢昭紀上耕鉤盾弄田在未央宮中

發趾千畝○繆襲許昌宮賦太和六年春上既躬耕

帝藉發趾乎千畝以帥萬國

帥先萬國○詳上

親祭之義○晉禮志尚書符問藉田至尊應親祀先

農否賀修谷曰漢儀無正自祭之文然王者祭四

望則毳冕祭社稷五祀則絺冕以此為親祭之義

也

勸農之道○藉田之禮廢則王教之典闕矣勸農之

道缺矣

周宣不藉○國語宣王即位不藉千畝號文公諫曰

夫民之大事在農。上帝之粢盛于是乎出。民之蕃
庶于是乎生。事之共給于是乎在。財用蕃殖于是
乎始。先時九日。太史告稷曰。陽氣俱蒸。土膏其動。
稷以告王。王即御事。土耕一墾。班三之。庶人終乎
千畝。王不聽。師敗于我也。豐達注。一墾。一耦之
也。班也。耦廣五寸。二耦
為耦。一發。廣尺也。班
之下各三。其上公三
三推。諸侯
九推也。
漢文開藉。○漢書文帝春正月丁亥。詔曰。夫農
天下之本。其開藉田。親率耕。以給宗廟。粢盛

黍稷

薌合○黍曰薌合

明粢○稷曰明粢

薌其○梁曰薌其

嘉疏○稻曰嘉疏並曲禮

豐備○左傳粢盛豐備

鮮潔○周禮甸師掌耕耨。王藉以時入。供粢盛。表粢

盛鮮潔

非馨○書黍稷非馨。明德惟馨

不鑿○粢食不鑿。昭其儉也

神倉○月令藏帝藉之收于神倉。祗敬必飭

御廩○傳御廩災

注藏親耕之廩

終禮○禮父母沒必求仁者之粟以祀之此之謂終

禮

注孝子雖貧尚不取惡人之粟祀其先

名物○周禮小宗伯辨六齊名物

注六穀也

陳簠簋○簠簋既陳

實籩豆○實其籩豆

明水滌○滌粢盛

注明水也

甸師供○詳前

廩人供接盛○接謂扱以接

春人供米物○非一物

親蠶

總○初學記祭義云大昕之朝

季春朝日之朝

君皮弁素積

十三宮夫人世婦之吉者使入蠶于蠶室奉種浴

于川桑于公桑風戾以食之

風戾者恐露濕葉傷蠶風之使燥而後食

之歲既單矣

謂三日盡之事

世婦率蠶奉繭以示君遂獻

繭于夫人夫人曰此所以為君服與遂副禕而受

之因少牢以禮之古之獻蠶者其率用此歟及良

日夫人繰三盆手遂布于三宮夫人世婦之吉者

使繰遂朱繰之玄黃之以為黼黻文章君服以祀

先王先公敬之至也

三盆手三淹也凡繰每淹大摠而手振之以出絲緒

○

禮記古者天子諸侯必有公桑蠶室。近川而爲之。

築宮仍有三尺棘牆而外閉之。○又云季春之月

后妃齊戒。稟先蠶躬桑以勸蠶事。先蠶即天駟星也。后妃躬桑率

先天也。孟夏之月蠶事既畢。后妃獻繭。乃收繭稅。以

桑爲均。貴賤長幼如一。○董巴輿服志。漢皇后桑

于東郊苑中。○晉元康義皇后採桑壇。在蠶宮西

南。晉禮志。漢儀。皇后親蠶。桑東郊苑中。蠶室祭蠶

神曰苑窳婦人。寓氏公主祠用少宰。侍中成粲草

定其儀。取列侯妻六人爲蠶母。擇吉日。皇后著十

二笄。步搖衣青乘油蓋。雲母安車。駕六醜馬。女尚

書陪載筐鉤。郊命婦皆步搖青衣。各載鉤筐。先桑

二日蠶室生蠶。著薄上。桑日。皇后未到。太祝質明

以太牢祀之。祠畢。班餘胙于從。桑后東面躬桑。採

三條。諸妃公主採五條。郡縣已下九條。以桑受蠶

母。○五禮先蠶儀注。親蠶前二日。太祝令質明以

太牢祀先蠶。○皇后親蠶儀注。皇后躬桑始得一

條。執筐受桑。

三酒。○周迂古今輿服雜事。蠶始生。后食之。三酒而

止。

三線。○初學記。詳總。

服青縹○董巴輿服志太皇太后入廟服緝上阜下
蠶青上縹下。簪以玳瑁長一尺端為華勝。上為鳳
皇

載筐鉤○晉禮志詳總

幸蠶館○漢書孝元王皇后為太后幸蠶館率皇后
及列侯夫人祭于北郊

置織室○東觀漢記明德馬皇后置織室蠶室于濯
龍池中數往來觀視

蠶于北郊○周禮仲春詔后率外宗內命婦始蠶于
北郊以為祭服

采桑東郭○列女傳宿瘤齊東郭采桑之女也閔王
娶為后

身致誠信○祭統王后蠶于北郊以供純服夫人蠶
于北郊以供冕服純音緇也王后夫人非莫蠶也身致

其誠信也

分繭稱絲○禮記蠶事既登分繭稱絲以供郊廟之
服

祭服

虞韞○明堂位詳舜始作條

殷冔○毛詩云常服黼冔傳曰黼白與黑也冔殷冠

也鄭箋云殷之臣壯敏而助周祭其助祭自服殷之服明文王以德不以彊也

玄冕○周禮春官司服掌王之吉服祭羣小祀則玄冕

黃冠○禮記黃衣黃冠而祭息田夫也野夫黃冠也
緝幘○晉輿服志公特進列侯卿大夫世婦夫人緝幘
綳繒簪珥入廟自二千石夫人至皇后皆蠶衣為

朝服

被袞○郊特牲祭之日王被袞以祭天

給服○晉輿服志執事所服魏已來名為五時服止

給四時缺缺服三年而一易

明衣○齊必如明衣

尸服○喪禮小記祭以諸侯其尸服以諸侯祭以士也其尸服以士服

舜始作○明堂位虞黻夏山鄭注云黻亮服之鞞也

舜始作之以尊祭服禹湯至則增以畫文

禹致美○禹惡衣服而致美于黻冕黻冕祭服

不釋○記角柳華公曰雖常祭必止且毋拜稽

首於尸曰有臣死於社稷之臣也聞之必請錐

至期不釋服而往送也禮之

服蔽則焚之

衣從事○漢制一歲五郊天。天子與執

事者服常絳衣

從

饋饌○魏字幼安徵不起每四時祭

故亦法用帛單衣親薦饋饌跪拜成禮

亦

從以駢牲傳曰周尚赤故祭用駢牲

貴誠○郊特牲於郊牲用犢貴誠也注未知此牲之情

用特○書歸格于藝祖用特

饋羊○子貢欲去告朔之餼羊

辰牡○詩末時辰牡辰牡孔碩注辰牡謂牲也辰時也

駢剛○周人尚駢剛

駢角○論駢牛之子駢且角雖欲勿用山川其舍諸

白牡○殷人尚白牡

牢禮○周禮牢三牲

餼牢○傳餼牽竭矣

儀禮

帝牛○禮帝牛不言以為稷牛

公牛○周禮牛人掌養國之公牛以待祭祀供其享

牛求牛以授職人而芻之

肥牛○養於諸侯也

索牛○索具大夫具得其用

柔毛○曲禮豕曰剛鬣羊曰柔毛雞曰翰音

䟽趾○雉曰䟽趾兔曰明視

鷄牲○周禮雞人掌共雞牲辨其物

羊牲○周禮羊人祈珥羊牲凡沈辜壞魯積共其羊

牲若牧人無牲則受布于司馬使其賈買牲而共

膾臠○注云肉大臠

骨臠○骨有肉也臠音速

腥肆○禮腥肆爛同臠臠音一豈知神之所享主人自

盡其敬

豚肩○晏子豚肩不掩豆

羊肆○羊箝

肉豆○切肉

天產○醢醢之美煎鹽之尚貴天產也

午割○午割勿設注勿設分散也

博碩○左傳奉牲以告曰博碩肥膋博碩謂其畜之碩大蕃滋也肥膋謂其不疾瘠蠹也注。族。豕。疥。癬。柔嘉○牲也

羶薌○郊特牲既奠然後燂蕭合羶薌凡祭慎諸此降管○郊特牲取睥律。管。柳。燂燎升首報陽也

沈埋○周禮沈埋醢壁。辜其大牲用牲注牲純色也尚書注云體完曰牲

伏瘞○周禮伏瘞亦如之注。伏。人。以。車。轆。祠三○漢書郊祀志有上書言古者天子三年一用

太牢祠三一天一地一泰一上許之

主五○周禮小宗伯毛六牲辨其名物而頒之于五官使其奉之鄭注云毛擇毛也司徒主牛宗伯主鷄司馬主馬及羊司寇主犬司空主豕

中度○月令命宰祝循行犧牲視全具按芻豢瞻肥瘠察物色必比類量大小視長短皆中度注。謂。審。牲。也。

歆神○周禮封人歌舞其牲注謂君牽牲入時封人隨歌舞之言其肥膋以歆神也

在滌○郊特牲帝牛必在于滌注。滌。牢。養。處。也。

納烹○周禮納烹告殺也

飾牲○周禮小子職云凡沈辜候禳飾其牲鄭注云。沈。謂。祭。

川爾雅曰祭川曰浮沈辜謂磔牲以祭也候禳者候四時惡氣禳去之也

善牲○越絕書益歿之後啓歲善犧牲以祠之經曰

夏啓善犧于益此之謂也

庀牲○穀梁傳六月上甲始庀牲十月甲始繫牲

夕牲○漢建武二十三年車駕東巡狩至梁父九十

里夕牲

薦牲○大壯也

免牲○穀梁傳免牲者緇衣玄纁裳有司玄端奉送

於南郊

不愛○傳不愛牲玉

不鬻○犧牲不鬻於市

登首○周禮羊人割牛牲登其首

注登首於室

斷尾○雄鷄斷尾賓孟見之曰自憚為犧也

繫三月○三月繫七日戒三日宿慎之至也

芻三月○周禮充人掌繫祭祀之牲牲祭五帝則繫

于牢芻之三月享先王亦如之凡散祭祀之牲繫

于國門使養之

注散祭祀山川之屬

庀人供○周禮庀人供王之薦羞及作世子之膳羞

供祭祀之好羞

注品物曰薦滋味曰羞好羞魚蟹醬

饗人倫○儀禮注云倫擇也

展觶角○傳展觶角而知傷展道盡矣注展道雖盡所以備災不

盡說哀公不敬故致天變也

無腸胃○儀禮肫解無腸胃注君子不食黍一

無用牝○月令孟春犧牲無用牝注為傷生之類也

不用火○傳小事不用大牲

不敢加○傳魯侯曰犧牲玉帛不敢加也必以信

不相用○傳古者六畜不相為用

死則埋○郊特牲牲死則埋之

孕不用○郊特牲牲孕不用也

掌割烹○周禮內饗掌割烹煎和之事

負革肉○虞九負車肉擇之取美也

用三犧○傳介葛盧聞牛鳴曰是生三犧皆用之矣

問之而信

具二牲○禮庶子若富則具二牲獻其賢者於宗子

注賢善也

牲則告牲○周禮充人職鄭司農曰展具也具牲若

今時選牲也充人主以牲牲告展牲者也玄謂展

牲若今夕牲也

牛曰大武○曲禮牛曰一元大武鄭注云號牲物異於人也元頭也武

也

爾牲則具○詩無羊三十維物爾牲則具

騂牡既備○詩既載騂牡既備

天子之牛○禮王制天子之牛角繭栗

宗廟之牛○禮王制宗廟之牛角握注。握。謂長不出膚也。

水菹陸醢○禮祭統水艸之菹陸產之醢注。蜺。蜾也。小物備矣。

牲俎簋實○禮祭統三牲之俎。八簋之實

羔豚皆足○禮祭統羔豚而祭百官皆足太牢而祭

不必有餘此之謂稱

吉則改名○傳牛卜吉曰牲注。牛既得吉則改名曰牲。

其以待事○周禮牛人凡祭祀其其牛牲之互與盆

簠以待事注。互。懸肉格。

口傷改卜○傳郊牛之口傷改卜牛牛死乃不郊非

禮也注。當改卜牛郊不可察。

食肉改卜○傳鼯鼠食郊牛角改卜牛志不敬也

籩豆靜嘉○詩籩豆靜嘉

苾椒馨香○詩燔炙苾苾有苾其香有椒其馨

物備陰陽○祭統昆蟲之異草木之實陰陽之物備

矣

骨取貴賤○祭統骨有貴賤殷人貴髀周人貴肩貴

者取貴骨賤者取賤骨

吉蠲為饔○詩吉蠲為饔是用孝享

嘉薦普淖○祝曰嘉薦普淖淖和也

供其水滂○又云所以洗牲也

設其楅衡○周禮注所以持牛角不使觸

用馬于墉○宋災用馬于四墉非禮也

用牲于社○日食用牲于社非禮也凡天災有幣無

牲

苞茅

藉白○易藉用白茅

包菁○尚書荊州厥貢包匭菁茅

注茅縮酒菁為酒其所包裹編致者

也蓋三介之茅也

縮酌○郊特牲縮酌用茅明酌也

裹肉○裹肉菹饌注云茅裹肉菹藉也

甸師供○周禮甸師供蕭茅

鄉師供○周禮鄉師供茅菹菹藉也長五寸束者

江淮靈物○江淮之間有一茅三脊此靈物不可以

常貢也

楚人職貢○傳齊桓責楚人爾貢苞茅不入王祭不供

無以縮酒寡人是徵

祭器

六尊○周禮司尊彝掌六尊六彝之位詔其酌辨其

用與其實春祠夏禴裸用雞彝鳥彝皆有舟其朝

踐用兩獻讀為尊其再獻用兩象尊皆有罍諸臣

之所酢也秋嘗冬蒸裸用斝彝黃彝皆有舟其朝

獻用兩著尊其饋獻用兩壺尊皆有罍諸臣之所

酢也凡四時之間祀追享朝享裸用虎彝雉彝皆

有舟其朝踐用兩大尊其再獻用兩山尊皆有罍

諸臣之所酢也鄭云丹樽下臺若今時承盤子等

樽者著器樽也明室位曰著殿樽也虎雖畫之為飾也雖讀為馳

四豆○周禮醢人掌四豆之實朝事之豆其實韭菹

醢貪醢昌本麋麋泥菁菹鹿麋芡菹麋食

之豆其實葵菹羸醢脾析麤醢蜃蚘其豚拍魚醢

加豆之實芹菹兔醢深蒲醢醢治池菹雁醢荀菹

魚醢羞豆之實醢夷食糝食

六彝○辨六彝以待裸注將六尊以待祭祀也

八簋○周

四璉○夏后氏

六瑚○殷

籩豆○詩閟宮籩豆大房鄭箋云大房玉飾俎也其制是間有橫下有跗似乎

堂後有房然也

簠簋 ○ 孝經陳其簠簋 鄭注云簠簋祭器受一斗二升方曰簠圓曰簋盛黍稷稻

梁器陳奠素器而不見親故哀戚也

解角 ○ 禮記宗廟之祭貴者獻以爵賤者獻以散尊者舉解卑者舉角以小為貴也

酸尊 ○ 酸尊及尸君非禮也是謂僭君

瓢齋 ○ 周禮甸人祭門用瓢齋 注瓢割去底以齋為樽

登豆 ○ 周禮于豆于登

山霤 ○ 禮記山霤夏后氏之尊也

犧象 ○ 禮記犧象周尊也

鷩鷩 ○ 周禮見上 鄭玄云刻而畫之為鷩鷩鳳凰之形者

犧尊 ○ 周禮朝踐用獻鄭注云獻讀為犧

著尊 ○ 周禮見上鄭注云著尊著地無足也

加籩 ○ 籩人職云加籩之實菱芡芡栗脯羞籩之實棗

餌粉菜

黃目 ○ 周禮尊周以黃目 注云黃者中也日者氣之清明者也言酌於中而清

明於

白蜃 ○ 周禮掌蜃其蜃器之蜃 注飾祭器之蜃可以白器

作繪 ○ 毛詩作繪宗彝 注繪畫也宗彝宗廟彝器也

為雕 ○ 周禮內骨外骨却行連行紆行以脰鳴注鳴

旁鳴翼鳴股鳴胸鳴謂之小蟲為雕琢 注刻畫祭器為雕琢

庶物也

有踐○詩籩豆有踐

多陳○陳器之道多陳而省納之可也

注以多為崇以節為禮

不假○禮大夫祭器不假

不設○無田祿者不設祭器

實陳○周禮鬱人掌裸器凡祭祀和鬱鬯以實奠而

陳之

滌濯○周禮肆師掌凡祭祀之卜日宿為期詔相其

禮祗滌濯亦如之

注謂滌祭器也

美備○三牲之俎八簋之實美物備矣

言約○易樽酒簋二樽之酒一簋之食言其約也

貢器○周禮貢器謂貢宗廟之器

造為先○禮凡家造祭器為先養器為後

展告備○展器告備

閭胥供○周禮閭胥供祭器

注閭胥司徒之屬官也器謂簋簠俎也

有司陳○月令孟冬有司効功陳祭器案度程無

作淫巧以蕩上心

注効功考其器也度大小也程所容也

貧不鬻○禮君子雖貧不鬻祭器

敝則埋○禮祭器敝則埋之

敬則用○酸尊諸侯則用時王之器敬則用祭器

注

濟石類書
客來加敬者可
以用祭器也

官不備○國語樂武子其官不備祭器

供明齊○司烜供明齊注明水也

執豆籩○書駿奔走執豆籩注來助祭

用兩壺○周禮兄上鄭注云壺者以壺為尊也

幕六葵○周禮冢人職曰祭祀以疏布巾冢八尊畫

布巾冢六葵鄭注云以疏布者天地之神尚質也宗廟可以文畫者畫其雲氣

外任內壺○周禮五獻之尊門外任門內壺

上樽下鬯○博奠為上鬯為下

用脩用蜃○周禮鬯人廟用脩四方山川用蜃裸用

概凡鬻用散注皆漆也

貴髀貴肩○禮凡為俎者以骨為貴賤股貴髀周貴

肩貴者取貴骨賤者取賤骨貴不重賤等虛示均

也

朝事之籩○周禮籩人職云朝事之籩其實粢風黃

白黑形監醢武鮑魚鱠音速鄭司農云朝事謂清

籩故麥曰粢麻曰蕡稻曰白黍曰黑稌籩以為虎形謂之形籩

饋食之籩○周禮饋食之籩其實棗栗桃乾榛榛實

鄭注云饋食薦熟也乾榛乾梅也

薦用雕玉○周禮薦用玉豆雕纂音撰注云纂籩屬

夫... 卷之五 祭器

器用陶匏○禮記詳郊天

鳥獸不登○禮鳥獸之肉不登於俎則不射注登俎祭用也

翡翠以飾○周禮鄭玄注云犧尊飾以翡翠者也

主人自徹○凡祭於公必自徹其俎主人自致其醬

則客徹之非賓客一人徹注同事各居者

婦人不徹○凡燕婦人不徹質不備禮

進俎不坐○記取俎進俎不坐

羞俎於內○凡羞俎者則於內注俎祭也

籩豆靜嘉○詩既醉昭明有融高朗令終令終有俶

公尸嘉告嘉告維何籩豆靜加鄭箋云公尸以善言告之是海故乎

乃用籩豆之物潔清而美政平氣和所致故也

籩豆既設○禮記曾子問

祭器不踰境○禮大夫去國祭器不踰境大夫寓祭

器於大夫士寓祭器於士也

犧象不出門○傳犧尊不出門嘉樂不野合

祝史

將命○郊特牲祝將命也注云用傳主人之命于神也

薦信○左傳齊侯有疾欲誅祝史晏子曰若有德之

君外內不廢上下無怨動無違事其祝史薦信無

愧心矣是以鬼神用享國受其福祝史與焉其所

以蕃社老壽者為信君使也

正辭○李梁曰祝史正辭信也

賁奠○周禮小祝掌凡大祭祀逆齊盛送逆尸沃尸

盥賁賁賁賁賁賁

在廟○宗祝在廟

於室○詔祝於室

致告○工祝致告

酌尸○卒爵飲之

注酌尸酌主此卒爵

祝嘏○禮修其祝嘏

祝號○甸祝掌表貉之祝號

注甸者謂田以習兵之禮故不兩貉祭欲獲之多

事鬼神○周禮大祝掌六祝之辭以事鬼神示祈福

一祥求永貞一曰順祝二曰年祝三曰吉祝四曰化

祝五曰瑞祝六曰筴祝

注云順豐年也年永貞也吉祈福祿也化弭災兵也

筴遠罪戾也

告慈孝○禮運祝以孝告嘏以慈告是謂大祥

鄭注云祝

告嘏告各首其義也祥善也

掌六祈○大祝掌六祈以同鬼神示一曰類二曰造

三曰禴四曰禋五曰攻六曰說

作六辭○周禮作六辭以通上下親疎遠近一日詞

二曰命三曰誥四曰會五曰禱六曰誅

辨六號○周禮辨六號。一曰神號。二曰鬼號。三曰示號。四曰牲號。五曰齎號。六曰幣號。鄭注云。號謂尊其名。更爲美稱也。

辨九祭○周禮大祝辨九祭詳吉禮。

祈福祥○周禮小祝掌小祭祀將事候禳禱祀之祝

號。以祈福祥。順豐年。逆時雨。寧風旱。彌裁兵。遠臯

疾。鄭注云。順豐年而順爲之祝辭。

遠臯疾○見上

詞無愧○叔向曰。范叔子之家事治。言於晉國。無隱

情。其祝史陳信於鬼神。無愧辭。

有益○傳祝有益也。詛亦有損。晏子爲齊侯言人

怨皆詛。一祝不能勝兆人詛。

不越樽俎○莊子庖人雖不治庖尸。祝不越樽俎而

一代之矣。

徧取黍稷○嘏之禮徧取黍稷牢肉以授尸也。

祀事孔明○詩祝祭于祊。祀事孔明。

祝史矯舉○左傳季梁曰。祝史矯舉以祭。臣不知其

可也。

宜稼於田○嘏辭曰。宜稼於田。眉壽萬年。

宜穡於房○變黍言穡。欲重稼也。

量人舉授筭○周禮筭當為嘏

啐酒進聽嘏○儀禮嘏長也大也授尸以長大之福也

餽

不祭○餽餘不祭注食人之餘曰餽禮輕故不敢祭

從卑○父不祭子夫不祭妻注祭先也從卑處家故不祭

祭之末○記夫祭有餽餽祭之末也

神之惠○禮餽鬼神之餘惠術也可以觀政矣

君與卿○禮是故尸設君與卿餽注設起也

下餽○禮記君起大夫餽臣餽君之餘也大夫起

士餽賤餽貴之餘也士起各執其具以出陳于堂下百官進徹之下餽上之餘也

歸胙

受釐○宣室受釐注釐祭餘也

致福○穀梁傳胙致福也

受膳○周禮膳夫祭祀之致福者受而膳之凡祭祀

受福者展而受之歸胙於公

執膳○傳祀有執膳戎有受版

宰孔賜○宰孔賜齊桓公胙曰天子有事於文武使

孔賜伯舅胙

申生歸○傳申生祭于曲沃歸胙于公

親兄弟○以賑膳之禮親兄弟之國

賜諸侯○天王使石尚來歸賑賑祭餘肉所以賜諸

侯與之同福也

修廢祭

晉修虞祀○晉滅虞而修虞祀且歸職貢於王者虞

同宗也

燕祭齊廟○樂毅下齊七十城而修齊宗廟

為立良止○子產以伯有為厲立良止賦糶之曰鬼

有所歸乃不為厲吾為之歸也良止伯有子立為

大夫使有廟也

命祀康叔○衛遷帝丘成公夢康叔曰相奪予享公

命祀相甯武子曰不可鬼神非其類不欲其祀祀

鄆何事相之不孚于此久矣乃止

注帝丘夏后相之舊都也

咸秩無文○周書祀于新邑咸秩無文

周始祀于新邑皆次序祀

之在禮無文者亦祀之

靡神不舉○詩靡神不舉

索神求廢○周禮荒正曰索鬼神注求廢祀而修之

與滅繼絕○論興滅國繼世

薄祭

盡志○外則盡物內則盡志此祭之心盡物祭物備也

能貧○鄭子張命黜官薄祭曰貴而能貧可以後亡也

昭儉○傳清廟茅屋大路越席大羹不致粢食不鑿昭其儉也

薦信○傳蘋蘩蕡藻之菜潢汗行潦之水苟有明信

可薦于鬼神

祀無豐昵○書傳說戒高宗曰典祀無豐于昵

之廟 致豐 注無於親

菲不廢禮○君子不以菲廢禮注菲薄也言雖薄儉而禮不可廢也

西鄰禴祭○東鄰殺牛不如西鄰之禴祭實受其福

禴薄祭也

晏子豚肩○晏平仲祀其先人豚肩不掩豆君子以為隘也仲尼曰難為下也譏平仲偏下也

物已僣卑○禮僣係厭也謂物太卑薄也

淫祠

不歆○申生見狐突曰我將以晉畀秦秦將祀予狐突曰神不歆非類民不祀非族君祀無乃殄乎

無福○非所祭而祭之名曰淫祭。淫祭無福。

媚竈○論與其媚於奧，寧媚於竈。

卜河○楚昭王有疾，卜之曰：河為祟。大夫請祭，王曰：

三代命祀，祭不越望。江漢、淮、漳，楚之望也。不穀雖

不德，河非所獲罪也。遂不祭。孔子曰：楚王知天道

也。注云：望，謂境內山川也。

祭埜○辛有適伊川，見被髮而祭於野者，曰：此其戎

乎。其禮先亡矣。

非族○禮記：非此族也不在祀典。

非類○詳不歆注。

誣祭○不首其義，故誣于祭也。首，本也。

誣祭○非其鬼而祭之，誣也。

用蔡子○傳：楚靈王滅蔡，用隱太子于岡山，申無字。

曰：五牲不相為用，況于人乎。注：祭馬祖，不用馬之類。

舍神君○武帝求神君，乃舍之於上林中，號礪氏館。

神君者，長陵女子，以乳子死，見神於先後，宛若宛。

若祠之，其室人多往祠。帝外祖母平原君亦往祠。

之及上即位，厚禮致祠，內中聞其言，不見其人。注：

先後，妯娌也。宛若，字也。

周公不享○傳：魯用人亳社，臧武仲聞之，曰：周公其

不享魯祭乎

注以人祭殷社也周公享義魯無義也

漢武禁祠○漢武禁巫祠道中者無間

名山神魏曹弘

與臨汾公主侍者共事無間神司馬芝案之

宮祠黃老○漢書郊祀志桓帝立黃老祠非富羅龍

潭中以文罽為壇彩色炫燿

望祀蓬萊○漢書武帝紀大初元年十二扇帝東臨

渤海望祀蓬萊

務鬼信巫○桓子新論管楚靈王驕逸輕下簡賢務

鬼信巫祝之道齊戒潔鮮以祀上帝羣臣躬執羽

綬起舞壇前吳人來攻其國人告急而靈王鼓舞

自若顧應之曰寡人方祭上帝樂神明當蒙福祐

焉不敢赴救而吳兵遂至俘獲其太子及后姬以

下

宋公祀睢社○宋公使邾文公執鄆子用於次睢之

社子魚曰小事不用大牲而况敢用人乎又用諸

淫昏之鬼

注睢社非命祀故曰淫昏也

季氏旅泰山○季氏旅于泰山子謂冉有曰汝弗能

救與

瀆祀

神無常享○書鬼神無常享享於克誠

君有何福○春秋季梁謂隋侯君雖獨豐其何福之有

逮闇而祭○禮季氏祭逮闇而祭自不足繼之以燭雖有疆力之容肅敬之心皆倦怠矣注自曉至夕以其久

跛倚以祭○有司跛倚以臨祭其為不敬大矣他日祭子路與質明而始行事晏朝而退孔子曰誰謂

繇也而不知禮乎注美之也跛倚偏立不敬也

禴祭不如○易東鄰殺牛不如西鄰之禴祭言奢而慢不如

儉而敬也

行祭可薦○詳薄祭

敬不足也○子路問諸夫子曰祭禮與其敬不足

禮有餘也不若禮不足而敬有餘也注祭不敬瀆祭主敬

神其吐之○吐之不飲也

不祀

無乃殄○狐突謂申生曰君祀無乃殄乎

不其餒○鬼猶求食也石敖氏之鬼不其餒而

身不親涖○故君子之祭也必身親涖之有故則使

人可也雖使人不不失其義者君明其義故也言苟

明祭義雖使人不失其義也

吾不與祭○子曰吾不與祭如不祭

不享久矣○前命祀康叔條

不祀忽諸○

湯征葛伯○葛伯不祀湯始征之

晉滅鄆舒○舒不祀晉滅之將興

潛確居類書目錄卷七十

藝習部六 禮六

凶禮一

死喪

天折

殤

道死

遺言

遺書

遺忠

遺思

遺愛

遺謀

遺業

始死

復

吟

殯殮

喪主

訃告

奠

奔喪

不奔喪

去官持服

有疾

居喪

居喪過哀

越禮

喪婚

喪食附

死喪

總

氣滅

精盡

氣散

形存

數盡

人終

世化

不諱

物化

物故

捐館

歸室

反真

歸休

逍遙

偃寢

遊岱

歸泉

首丘

舟壑

風燭

隙駒

委蛻

上仙

重泉

千古

夢燈

夢桑

夢棗

登鬼錄

化異物

填溝壑

川閱水

萬物齊

聖愚同

人所不免

物之自然

大命殞墜

形體獨陳

忽然長逝

偃然長寢

人有一死

人有三死

夢奠兩楹

夢講東堂

夢論大衍

夢懷瓊瑰

夢應玉符

人與兩絹

夢女飾豆

夢山流金

夢鳳集拳

夢書白駒

夢遇白雞

夢倚槐樹

歲辰之識

月酉之應

月犯少微

月掩畢口

月蝕東壁

星殞寢室

星流營中

星見豫分

天降玉棺

天成玉樓

鵬鳥止座

蝙蝠繞庭

雷鳴炊釜

風吹竈突

畫蛇盤鏡

石兔刻文

食羊將滿

食魚得病

西州石折

城樓烟出

諺傳冰稼

詩定破瓜

洞賓與錢

狀元投刺

空中甲馬

山中旗鶴

王雱復見

傅霖來訪

雷電晦冥

溪流泛漲

但少一死

得死不恨

含笑入地

減年代死

却鑿付命

七日復甦

半月復生

寫詩立逝

盍先朝露

誤傳仙去

水窮天盡

雲穿雪壓

醉卧花間

醉臥藤陰

一棺戢身

長夜悠悠

天折

天昏

短折

天昏

命不長

年不永

時有短長

壽非金石

死喪之戚

修短之命

嫁娶不見

殤

總

禁嫁

不尸

陰厭

湯厭

不備禮

用棺衣

王祭五

祭三

成戰以成禮

宗子从成人

笄冠不為殤

聖周墓下殤

道死

懸衣

或埋

遺言

屬以子

命嫁妾

託身後

屬墓具

令市棺

命刻石

命墓桐鄉

囑葬陶家

命送陀林

付金托友

分香與姬

留術付子

遺戒訓家

遺書

立言不朽

作書未成

上封禪書

求孔融文

遺忠

盡忠公室

不忘社稷

臨終憂國

已死得書

疾革抗表

置尸牖下

遺思

思法孝直

思檀道濟

念岑文本

優褚無量

歎魏徵亡

惜楊綰死

遺愛

九京武子

南國召公

人皆流涕

童不歌謠

百姓圖像

四州哀哭

百姓罷市

留寄遺像

遺謀

走仲達

筭張詡

遺業

家無餘財

官無留貲

不墾田廬

僅有桑田

田園分子

奉原調親

貧無產業

惟存圖書

布被覆尸

始死

厲纊

易簣

徹縣

就木

蓋棺

浴衣拭尸

用巾拭髮

楔齒用角柶

綴足用燕几

復

設階

升屋

招魂

求生

稱名稱字

公館私館

四郊建綏

三號投衣

復以車乘

復以衾衣

復于太祖

復于小寢

菟離而筮

哈

進玉

委壁

口實

眼受

用采貝

共飯蒸

行具哈玉

死何哈珠

榮叔歸哈

諸侯請哈

賙早哈晚

使乎次哈

殯殮

蒸

塗

衣尸

附身

書日

徹帷

望从

耻具

殯于客位

歛以時服

東階西階

以簞以席

五父之衢

兩楹之間

敬姜始帷

季文無備

掘肆見衽

贈寶示奸

後殮俟生

大殮絞紼

族人

里尹

男同姓

女异姓

雖疏亦虞

以義為主

婦喪祔廟舅主

兄弟同墓各主

無女則男無男則女

親同以長不同以親

訃

痛臣子

哭諸侯

寡君不祿

小君不祿

臣子哀痛

使臣歸珪

君之臣某死

君適子某死

奠

卷俎

齊酢

坐奠

苞奠

朔奠

殷奠

苞其餘

數而藏

脯醢之奠

朝夕之奠

小斂之奠

小祥之奠

始死之奠

及葬不奠

終素器而展衰

雖殷事以盡

潔爾牛羊不聞于剝奠

夫其黍稷寧昇乎載糒

奔喪

奔喪之禮

聞父毋喪

聞兄弟喪

成服而行

見星而行

不避晝夜

別于昏明

望國竟哭

望鄉而哭

哭辟市朝

哭面墓西

就次成服

在軍不奔

至家襲經

入門免麻

如朝夕哭

如奔父母

不奔為位

除喪成踊

婦人奔喪

奉使奔喪

徒跣奔喪

奔子奔喪

奔喪不哭

奔喪得罪

不奔喪

吳起

陳湯

孫權詔

顧譚議

去官持服

致事

行服

舅喪

姊喪

伯父喪

异母喪

不從政

不貳事

奪喪不可

從利不知

居喪

總

致哀

去飾

哀戚

創痛

荼毒

專席

扶杖

在疾

讀禮

示終

念始

風樹

杯澤

稱家

見殺

皇皇

繭繭

居倚廬

設菰廬

致其哀

有餘哀

禮無容

哭無時

外艱內艱

何怙何恃

靡瞻靡依

稱情稱服

如斬如剡

若苴若泉

如慕如疑

慨然廓然

絕纓菅履

齊蔬餽粥

寢苦枕塊

蔬食飲水

被髮徒跣

擊胸稽顙

變形痛心

柴骨樂心

灰心垢體

酸鼻痛骨

頰涕薰心

毀瘠不形

擗踊有筭

哀不傷性

哭無常聲

遽不凌節

毀不滅性

哀于飲食

哀于居處

哀于聲音

哀于言語

荼蓼之苦

蓼莪之德

勉而為瘠

病不知哀

儼然憂服

憔悴苦塊

無總麻喪

請小功服

末尸積血

徒跣護柩

和嶠生孝

水漿不入口

伯鸞死泣血不見齒

無服不為位

喪者不遺人

公門稅齊哀

小祥食菜果

無改于父道

不能讀父書

國禁哭則止

婦既葬而歸

不食菜不飲酒

不慮居不危身

過哀

孺子泣

嬰兒哭

禫而不樂

杖而能起

毀瘠幾死

哀感不食

噙不粒食

疾不如薙

毀滅糲食

居喪柴瘠

三年泣血

五日不食

三年不出廬

五十猶麻線

忘哀

有容

不戚

飽食

易衰

安衣錦

見素冠

民未聞

吾何觀

有疾

體羸

形變

毀瘠

創瘍

不可備禮

必以滋味

傷腎焦肺

痛心疾首

喪食附

無鹽酪

辭酒醴

居喪食粥

君命食歎

不使醉飽

循爾飲食

越禮

奏妓

燕賓

生子

追婢

賭棊

觀奕

彈琴

戲博

不制服

不廢樂

使婢丸藥

責宗擊鐘

廬墓孕育

召人作樂

匿喪受封

匿喪典軍

重喪不哭

制中不詩

喪姑作詩

喪婚

魯莊納幣

韓預強聘

夫人至齊

莊公如齊

變服親迎

叔母喪而婚

叔父喪而嫁

對父喪而執

叔外皮而婚

潛確居類書卷七十

史官 陳仁錫明卿父纂輯

執習部六 禮六

凶禮一

死喪 遺言 遺愛 復 訃告 去官持服 忘哀 越禮

凶禮總

夭折 遺書 遺謀 吟 奠 有疾 婚喪

殤 遺忠 遺業 殯殮 奔喪 居喪 喪食附

道死 遺思 始死 喪主 不奔喪 居喪過哀

總○周禮春官大宗伯以凶禮哀邦國之憂以喪禮

哀死亡以荒禮哀凶札以弔禮哀禍裁以禴禮哀

圍敗以恤禮哀寇亂

死喪

總○劉熙釋名死者漸斯也消漸也諸侯曰薨薨壞

聲也大夫曰卒言終竟也士曰不祿不復食祿也

漢以來以死為物故言諸物皆朽故也既定死曰

尸尸舒也骨節舒解不能復自勝斂也○禮記曰

生曰父死曰考考成也釋名云亦言稿也稿于義

為成凡五材膠漆陶匚皮革乾稿萬生曰母死曰妣妣者比也言壽考曰卒短折曰

不祿死寇曰兵男子不死於婦人之手婦人不死

於男子之手君夫人卒於路寢大夫世婦卒於適

寢內子未命則死於下室士之妻皆死於寢

氣滅○王充論衡王莽之時省五經博士弟子夜定

舊說死于燭下精思不任脉絕氣滅也

精盡○楊泉物理論人含氣而生精盡而死死猶漸

也滅也譬如火焉薪盡而火滅則無光矣故滅火

之餘無遺炎矣人死之後無遺魂矣

氣散○莊子人之生氣之聚也聚則生散則死

形存○王充論衡人死猶火之滅也人病且死與夫

火之且滅無異火滅光消而燭在人死精亡而形

存

數盡○[家語]哀公問孔子曰。人之命與性。何謂乎。孔

子對曰。分於道謂之命。形於一謂之性。化於陰陽

象形而發謂之生。化窮數盡謂之死。故命者。性之

始也。死者。生之終也。有始則必有終也。

人終○[榮啓期]曰。死者人之終。居常而待終。何不樂

也。

桓化○[莊子]

不諱○[丙吉傳]君卽有不諱

師古言死不可復諱也。

○[司馬遷]

傳恐卒然不可諱

物化○[文子]曰。其死也物化

物故○[師古]曰。物故謂死也。言其同於鬼物而故也。

一說不欲斥言。但云其所服用之物皆已故耳。

捐館○[蘇秦傳]奉陽君捐館舍

捐。弃也。亦曰捐賓客。

歸室○百歲之後歸於其室

反真○[莊子]

歸休○[王通]有疾。召門生薛收謂曰。吾夢顏回稱孔

子之命曰。歸休乎。殆夫子召我也。寢疾七日而終。

○[莊子]生寄也。死歸也。○[李英華書]彭陽公碑。古

者。以歸爲休也。然則豈死者皆得歸哉。故有冤肆

之徒。壓溺而斃。貪暴之輩。刑戮以亡。謂之不得其

死不得所歸也。父母全而生之子全而歸之，不虧其身，不辱其親，是得所歸矣。所歸者，猶有數品焉：有跛蹙而歸者，有困窮而歸者，有憂鞠而歸者，有暇豫而歸者，有榮顯而歸者，有欣喜而歸者，佞媚於生前而得其死者，跛蹙而歸也；愚鄙於生前而得其死者，困窮而歸也；三者皆拂其歸路也。正直於生前而得其死者，憂鞠而歸也；三者皆拂其歸路也。正直於生前而得其死者，暇豫而歸也。仁惠於生前而得其死者，欣喜而歸也。三者皆坦其歸路也。

逍遙○莊子生為附贅縣疣，死為決疣。胡亂潰癰，忘其肝膽，遺其耳目，茫然彷徨乎塵埃之外，逍遙乎無為之表。

偃寢○莊子妻死，偃然寢於巨室。

遊岱○魂遊岱宗，遊岱之魂也。

歸泉○劉禹錫慰大尉薨表，逼迫歸泉之期。

首丘○禮記狐死正丘首，仁也。

舟壑○莊子夫大塊載我以形，勞我以生，佚我以老，息我以死，藏舟於壑，藏山於澤，謂之固矣。然而夜半有力者負之而走，昧者不知也。

風燭○權集萬事風燭九原草露

隙駒○莊子人生天地間如白駒過隙

委蛻○莊子身非汝有是天地之委形也生非汝有

是天地之委和也性命非汝有是天地之委蛻也

上仙○莊子千歲厭世而上仙乘彼白雲至於帝鄉

重泉○唐史歐陽詹上鄭相公書其或素畜當在重

泉之下

千古○唐史薛收卒秦王與兄子元敬書曰吾與伯

褒共軍旅間豈期一朝成千古也

夢燈○見聞雜錄廣守數人連卒多先夢燈後作守

者夢燈遍郡城未幾果卒

夢棗○佩觿集丁固夢井中生棗以問趙趙答云棗

文四十八君壽恐不過此果然

夢棗○酉陽雜俎王子謹善占夢有人夢棗謹曰棗

字重來來來呼魂之貌其人果卒

登鬼錄○魏文帝與吳質書昔年疾瘵親故罹其災

觀其姓名半登鬼錄

化異物○魏文帝書元瑜長逝化為異物

元瑜阮禹字

填溝壑○公孫弘傳恐先狗馬填溝壑終無以報德

塞責

川閼水○川閼水以成川。世閼人以成世。

萬物齊○列子萬物齊生齊死齊賢齊愚齊貴齊賤十年亦死百年亦死仁聖亦死凶愚亦死生則堯舜死則腐骨生則桀紂死則腐骨腐骨一矣孰知其異

聖愚同○文子云老子曰聖人同死生愚人亦同死生聖人同死生明於分理愚人同死生不知利害之所在道懸天物布地和在人。人主不和卽天氣不下地氣不上陰陽不調風雨不時人民疾饑矣人所不免○史記范雎說秦昭王曰夫以五帝之聖

三王之仁五霸之賢烏獲任鄙之力孟賁慶忌夏育之勇而死者人之所必不免

物之自然○漢書文帝遺詔曰朕聞之蓋天下萬物之萌生靡不有死死者天下之至理物之自然奚足甚哀

大命殞墜○左傳陳侯使公孫貞子聘吳未至而卒將以屍入吳子使太宰嚭勞且辭上介芋米尹蓋

對曰寡君聞楚爲不道薦伐吳國滅厥民人寡君使蓋備使弔君之下吏無祿使人逢天之威大命殞墜今君使人曰無以尸造於門是我寡君之命

委於草莽也

形體獨陳○白虎通屍者何謂也屍之為言陳也失氣亡神形體獨陳

忽然長逝○傅玄四言詩曰忽然長逝火滅煙消

隱然長寢○曹植濁體詩曰牢落冥冥與道相驅隱然長寢其樂無踰

人有一死○司馬遷答任少卿書云人固有一死死有重於泰山有輕於鴻毛用之所趣異也

人有三死○說苑魯哀公問於孔子曰有智者壽乎對曰然人有三死而非命也者人自取之夫寢死

不時飲食不節佚勞過度者疾共殺之居下位而

上忤其君嗜慾無厭而求不止者刑共殺之少以

犯衆弱以侮彊忿怒不量力者兵共殺之

夢奠兩楹○禮記孔子早起曳杖逍遙於門歌曰泰

山其頽乎梁木其壞乎哲人其萎乎子貢聞之曰

將安做夫子殆將病也遂趨而入夫子曰予疇昔

之夜夢坐奠於兩楹之間予殆將死也寢疾七日

而終殷人奠於兩楹夫子殷人也坐奠所以為凶象也

夢講東堂○本傳後漢周槃年七十三謂子曰吾夢

晉崔居頌書卷七十一藝習日六死喪

先師東里先生與我講於東堂之奧。既而長歎。豈我齒之盡乎。其月卒。

夢論大衍○季適嘗夢與人論大衍數。寤而曰。吾壽盡此乎。

夢懷瓊瑰○本傳魯公嬰齊號聲伯。初夢涉洹。或與之瓊瑰。食之。泣而寤。瓊瑰盈其懷。從而歌之。曰。涉洹之水。贈我以瓊瑰。歸乎歸乎。瓊瑰盈吾懷乎。不敢言。三年言之。暮而卒。

夢應玉符○戎幕閒談。唐開元中。司勳郎中李朝歸。第夢二黃衫人引至戶外。中有人曰。未至須玉魚。

符下也。後朝當龍尾道上。見一玉魚。把玩至家。數日卒。

人與兩緝○本傳南史沈慶之。臨賜死時。年八十。夢有人以兩疋絹與之。曰。此絹足度寤。而謂人曰。老子今年不免矣。兩疋八十尺也。足度無餘也。

夢女篩豆○西京雜記。王師伐金陵。城將破。或夢女子行空中。以巨篩篩物。散落如豆。看地皆成人。問其故。曰。此當死於難。復見一貴人盛冠服。墮於地。云。此徐舍人也。既寤。聞錯死圍城中。後王平甫和從字韻詩云。當時徐氏擅筆墨。夜圍夢墮空中篋。

洗謂此

夢山流金○韓文李虛中墓銘虛中將疾謂其友韓愈曰吾夢泰山裂流赤黃物如金有人曰是所謂大還者虛中既沒愈追占其夢曰山者艮也艮為背裂而流赤黃疽象也大還者其告之矣

夢鳳集拳○集異記有孫氏求官夢雙鳳集其兩拳以問卜者曰鳳非梧桐不栖非竹實不食卿當大

凶非苴杖則削杖直杖竹削杖桐後孫氏果遭母喪

夢書白駒○唐杜牧夢人告曰爾應名畢復夢書皎皎白駒字或曰過隙也俄而炊甑裂牾曰不祥也

自為之誌悉取所為文章焚之果卒

夢遇白雞○謝安疾篤悵然謂所親曰昔吾夢乘溫輿行十六里見一白雞而止乘溫輿者代其位也十六里止今十六年矣白雞主酉今太歲在酉吾疾殆不起乎尋薨

夢倚槐樹○伽藍記廣陵王克淵夢倚槐樹而立湯元慎曰廣陵死矣槐字木傍鬼也

歲辰之讖○續漢書鄭玄病夢孔子告之曰起起今年歲在辰來年歲在巳既寤以讖合之知命將終也有頃寢疾而卒讖云歲在龍蛇賢人嗟嗟辰為龍巳

蛇爲

月酉之應○蜀志譙周傳晉文王司馬昭爲魏國相周書版示文王曰典午忽兮月酉沒兮典午謂司馬月酉爲八月文王果卒

月犯少微○晉書月犯少微星占者曰隱士當之時戴逵有美才士人以為憂俄而卒

月掩畢口○本傳五代張希崇字德舉爲將不喜聲色頗知星曆天福三年月掩畢口大星希崇歎曰畢口大星邊將也我其當之正月果卒

月蝕東壁○鄴侯傳開元中燕公爲左丞相集賢學士將薨而月蝕東壁

星殞寢室○令狐楚卒之名有大星殞於寢室之上其光燭庭

星流營中○史諸葛亮據五丈原與司馬宣王相持百餘日有星赤而芒角自北而南流於亮營三投再還往大還小俄而卒

星見豫分○祖逖傳初有妖星見於豫州之分逖見星曰爲我矣方平河北而欲殺我此乃天不祐國也俄卒

天降玉棺○鄴縣令王喬天下玉棺於廳前喬謂

人曰。天帝召我沐浴寢其中。葬於城東。

天成玉樓○李商隱小傳李長吉將死時忽晝見一

緋衣人駕赤蚪持一版書若太古篆或霹靂古文

者云當召長吉長吉了不能讀鄰下榻叩頭言阿

婆

音迷長吉學語時呼太夫人者

老且病賀不願去緋衣人笑曰

上帝成白玉樓立召君爲記天上差樂不苦也長

吉獨泣邊人盡見之少時長吉氣絕常所居窻中

勃勃有煙氣聞行車嚙管之聲太夫人急止人哭

待之如炊五斗黍時久長吉竟死

鵬鳥止座○本傳賈誼爲長沙王傅有鵬飛入誼舍

乃爲賦以自廣曰單閼之歲四月孟夏庚子月斜

鵬來集予舍止于坐隅貌甚閒暇

蝙蝠繞庭○稽神錄李禪居廣陵晝忽有白蝙蝠繞

庭而飛出院門又出中門倏不見其年禪妻卒輜

車出卽蝙蝠飛翔處也

雷鳴炊釜○古今五行紀宋滕景直家在廣州炊釜

中有聲如雷家人走視甑上花生漸長似蓮花而

赤色俄頃萎景直旬日卒

風吹竈突○後漢方技李南女傳父風角術爲人妻

辰詣爨室卒有暴風婦便求歸辭二親姑不許乃

跪曰家世傳術疾風卒起先吹竈突及井此禍爲
王夔者妾將亡之應如期而卒

畫蛇盤鏡○前定錄袁叔遇異人得書云每受一命
卽開一幅累任皆驗一日晨起巾櫛一物墮鏡中
如蛇而有四足驚而疾數日卒留書尚多妻開視
之皆空紙也最後一幅畫蛇盤鏡中而已

石兔刻文○聞見錄周長孺字士彥爲共成縣令獵
近郊有兔起草間自射中之卽其處不復見兔有
石刻文士彥當都而卒後士彥每至京師必遽
歸後治中以都官員外郎卒

食羊將滿○宣室志李德裕南行召一僧問休咎僧
曰當還相公平生當食萬羊今食九千六百矣所
以當還積旬日振武軍節度使饋羊四百公大驚
召僧告其事僧曰萬羊將滿公不還乎公曰吾不
食之亦可免否曰羊至此已爲相公所有後連貶
崖州竟沒不還

食魚得病○邢和璞居高潁間有賴書三篇房瑄問
邢終身之事邢言降魄之庭非館非寺病起於魚
食而休於龜茲板其後房公舍閩州紫極宮見有
治龜茲板者始憶邢之言有頃刺史具鱸邀房房

悟具以板事白於刺史其冬果病鱸卒

西州石折○本傳蜀武擔石折文翁曰西州石折智

士當死乃會子孫設酒食後三日卒

城樓煙出○太平廣記潤州城南有樓名萬歲樓俗

傳樓上煙出刺史必死不死則貶開元後董琬為

採訪使居此州盡日煙出憂愁而死乾元中又煙

出有吏密伺之就視乃蚊孳蓋樓下井中小蟲蛻

而上升團結類煙耳從此無慮

諺傳水稼○青箱雜記唐天寶中諺曰冬凌樹稼而

達官怕其年水稼而寧王卒○熙寧三年草木皆

稼衆謂大臣當之未數日韓琦卒

詩定破瓜○談苑呂仙翁有詩與張洎言將作鼎鼐

之句其句云功成當在破瓜年俗以為破瓜為二

八字洎六十六而卒乃悟

洞賓與錢○頁父詩話呂洞賓與黃覺大錢七文次

十文又小錢三文曰數不可過也覺至七十餘作

詩有床頭曆日無多字屈指明年七十三之句果

以是歲終

狀元投刺○括異志進士楊通與楊真狀元相善真

投刺自稱龍首山人慶曆中登第而卒後人解曰

龍首狀元也。山人無祿之稱也。

空中甲馬○邵氏聞見錄富韓公元豐六年疾病五日大星殞于公所居還政堂下。空戶如甲馬聲。公登天光臺焚香再拜。知其將終也。

山中旗鶴○邵康節一日晝睡覺言曰吾夢旌旗鶴鴈自空而下。導吾行亂山中。吾神往矣。無以藥相逼也。

王雱復見○談圃張靖言荆公在金陵未病前一歲白日見一人上堂再拜。乃故郡牧吏。其死也已久矣。荆公驚問其來故。吏曰蒙相公恩以待制故來。

荆公愴然問雱安在。吏曰見今未結絕了。如要見可于某夕幕廡下。切勿驚呼。唯可令一親者在側。荆公如其言。頃之見一紫袍博帶據案而坐。乃故吏。獄卒數人枷一囚自大門而入。身具桎梏。曳病足立庭下。血汚地。呻吟之聲殆不可聞。乃雱也。雱對吏云告早結絕。良久而滅。荆公幾失聲而哭。爲一指使掩其口。明年荆公薨。靖公門人其說甚詳。傳霖來訪○西清詩話張乖崖少與逸人傅霖同學。

公既顯達。求霖三十八年不可得。作憶霖詩云。寄語巢由莫相笑。此生終不羨輕肥。晚年守死真。有

被褐騎驢。扣門大呼曰。語尚書青州傅霖。閤吏走
白。公曰。傅先生天下士。汝何人。斯呼其姓名。霖笑
曰。別子一世。尚爾童心。是豈知世間有我哉。公問
昔何隱而今出。霖曰。子將去矣。來報子爾。公曰。詠
亦知之。霖曰。知復何言。後一月公薨。
雷電晦冥。○言行錄。劉元城器之。歿時忽大風飛瓦。
驟雨如注。雷電晝晦。于公正寢。人皆駭懼而走。及
雨止。辨色。公已終矣。聞者咸異焉。

溪流泛漲。○晦庵先生朱熹以建炎庚戌生。以慶曆
庚申三月。夢于考亭所居之正寢。是歲春。先生故
宅之前。其山絕頂有數年合抱之木。一株勢干雲
霄。一旦忽爲巨風所拔。夏六月。溪流大漲。素所未
有。宅前之岍。爲洪濤捲去數百尺。

但少一歎。○蜀宗預爲鎮軍大將軍。諸葛瞻初統朝
事。車騎將軍廖化欲與預共請瞻。預曰。吾等年踰
七十。所竊已過。但少一歎。何求于年少輩。而屑屑
造門耶。

得死不恨。○本傳。陳咸與陳湯書。幸蒙子公力。得入
帝城。死不恨。

含笑入地。○漢公孫舉東郭竇等。聚衆至三萬人。寇

青兗徐三州以司徒掾潁川韓韶爲羸長。韶開倉賑之。曰：長活溝壑百人。而以此伏罪。含笑入地矣。減年代死。○晉王徽之爲黃門侍郎。弃官東歸。與弟獻之俱病篤。術人云：人命應終。有生人樂代之。則死者可生。徽之云：我才位不如弟。請以餘年代之。術者曰：代死者以已年有餘。得以資亡者耳。今君與弟俱盡。何代也。未幾。獻之卒。

却鑿付命。○本傳李勣屬疾。家人欲呼鑿巫。不許。諸子固以藥進。輒曰：我山東田夫耳。今位至三公。年踰八十。非命乎。歿。生係太寧。就醫求活耶。

七日復甦。○遺書趙簡子死。七日而甦。雖蛆食其舌。鼻猶不爲害。程子曰：有歿而復甦者。故禮三日而斂。未三日而斂。皆有殺之之理。

半月復生。○唐德紀待詔戴少平。卒十六日復生。寫詩立逝。○職官分紀中書舍人鄭居中。辭官遊名山。一日搦管寫詩。纔書五字。曰：雲山遊已遍。筆忽墜地而終。

溘先朝露。○李陵謂蘇武曰：人生如朝露。何又自苦如此。

誤傳仙去。○聞見錄東坡旣遷黃岡。京師盛傳白日。

仙去。神廟聞之。對左丞蒲宗孟嘆息久之。故東坡
謝表有云。疾病連年。人皆傳其已歿。饑寒併日。臣
亦厭其餘生。

水窮天盡○古今詩話李續長源。一日忽有人在牀
下誦詩曰。行到水窮處。未知天盡時。續斥曰。誤矣。
豈非坐看雲起時耶。答曰。此雲安能起。茲必歿期
故來相別。數日而卒。

雲穿雪壓○據遺廖融作詩曰。雲穿搗藥屋。雪壓釣
魚舟。自解曰。屋破雲穿。其中無人也。船爲雪壓。無
舟也。後六十日卒。

醉臥花間○翰苑名談何正中。初及第。聞郭從周。精
卜。求占。從周贈一詩云。三字來時月正圓。一麾從
此出秦關。錢塘春色濃如酒。貪醉花間卧不還。公
後以八月十五。改知制誥。出秦州。又改知杭州。卒
醉臥藤陰○冷竺詩話秦少游在處州。夢中作好事
近詞云。山路雨天花。花動一山春色。行到小溪深處
有黃鸝。千百飛雲當面化。龍蛇夭矯掛空碧。醉臥
古藤陰。下奔不知南北。後南遷。久之北歸。逗留于
藤州光華亭。方醉起。以玉盃汲泉。笑視而歿。
一棺戢身○雷宣徽有疾。因讀史。廢書流涕曰。功名

者。貪夫之釣餌。橫戈開邊枝。劔討叛。死生食息之。不顧其死也。一棺戢身。萬事都已。悲夫。

長夜悠悠○世說范蔚宗既被繫。上有白團扇甚美。令書詩賦美句。擘攬筆書曰。去白日之昭昭。襲長夜之悠悠。上為循覽。悽然。

夭折

短折○洪範六極。一曰凶。短折。

天昏○禮。瘧。天昏。注未名。曰昏。

命不長○傳。知命之。不長。

年不永○書。隆年有永。有不永。

時有短長○左傳。或謂邾文公曰。命可長也。君何

為。邾子曰。死之短長。時也。

死喪之戚○詩。死喪之戚。壽非金石。兄弟孔懷。

脩短之命○文選。生有修短之命。

嫁娶不見○魏志。管輅字公明。嘗自歎曰。天與我才

名。不與我年壽。恐四十七八間。不見女嫁人。男娶

婦也。卒年果四十八。

殤

總○儀禮。男女未成人而死。可哀傷者。男子已娶。女

子許嫁。皆不為殤。凡男女亡年十九至十六歲。為

長殤。十五歲至十二歲為中殤。十一歲至八歲為下殤。若生三月至七歲皆為無服之殤。

禁嫁○周禮媒氏禁嫁殤者

不尸○禮殤不備祭不立尸

陰厭○凡祭殤有陰厭。有陽厭。宗子為殤而歿。庶子

不為後也。其告祭特牲。祭殤不舉。無所俎。無玄酒。

不告利成。是謂陰厭。注。宗子。從成人也。凡殤則特牲也。此其無尸。反所降也。其

他如成人。舉肺脊。斯俎利成之禮。施于尸也。是宗子為殤祭之與之禮也。小為殤。其祭祀亦如此。

陽厭○凡殤無後者。祭于宗子之家。當室之白。尊于

東房。是謂陽厭。注。凡殤謂庶子之適子也。白。謂西隅得戶明也。明者曰陽也。

不備禮○祭殤不備。注。厭沃而已。不備禮也。

用棺衣○史佚有子而歿。下殤也。墓遠。召公謂之曰

何以不棺。歿于宮中。佚曰。吾敢乎哉。召公言于周

公。公曰。豈不可。史佚行之。下殤用棺衣。自史佚始

王祭五○祭法。王下祭殤五。適子。適孫。適曾孫。適玄

孫。適來孫。諸侯下祭三。大夫下祭二。士及庶人祭

子而止

侯祭三○詳上

死戰以成禮○魯與齊戰于郎。童汪錡往。皆歿焉。魯

人欲勿殤。問于仲尼。仲尼曰。能執干戈以衛社稷。

雖欲勿殤不亦可乎注童子未冠之稱以其死社稷故葬以成人之禮

宗子從成人○詳上

笄冠不為殤○丈夫冠而不為殤婦人笄而不為殤

聖周葬下殤○檀弓周人以夏后氏之聖周葬中殤

下殤聖音即

道死

懸衣○周禮蜡氏掌若有死于道路者則令埋而置

揭書其日月焉懸其衣服任器于有地之官以待

其人

或埋○詩行有死人尚或埋之○周禮埋而置揭詳

遺言

屬以子○左傳文七年秦康公送公子雍于晉曰文

公之入也無衛故有呂卻之難乃多與之徒衛穆

嬴靈公母日抱太子以啼于朝出朝則抱以適趙氏

頃首于宣子曰先君奉此子也而屬諸子曰此子

也才吾受子之賜不才唯吾子之怨今君雖終言

猶在耳而弃之若何宣子與諸大夫皆患穆嬴且

畏逼乃背先蔑而立靈公

命嫁妾○晉魏武子有嬖妾無子命顛曰必嫁是疾

亟則曰必以為殉乃卒顛嫁之曰疾病則亂吾心

其治也

託身後○後漢申屠蟠字子龍陳留人與濟陰王子居同在太學子居臨卒以身後託蟠蟠躬推輦車送喪還鄉里遇司隸從事義之為封傳護送蟠不肯受投傳于地而去

注傳符牒也

屬墓具○盧殷能詩為登封尉將歿自為書告留守與河南尹乞葬已又為詩與常所往來河南令韓愈曰為我具棺留守為具凡葬事韓愈為買棺文為作銘

令市棺○方術傳後漢博士郭鳳好圖讖先自知歿期令弟子市棺殮之具至日而終○廣漢折像自知亡日召賓客九族飲食辭訣

命刻石○趙岐初名嘉生于御史臺因名臺卿年三十有重疾自慮奄忽乃遺令勅兒子曰可致一員石于墓前刻之曰漢有逸人姓趙名嘉有志無時命也奈何其後疾瘳

命塋桐鄉○前漢朱邑字仲卿病且歿屬其子曰我故桐鄉吏其民愛我必葬我桐鄉後世子孫奉嘗我不如桐鄉民

囑葬陶家○吳志鄭泉字文淵性嗜酒臨卒謂同

曰必葬我陶家之側庶百歲之後化而為土幸見取為壺實獲我心

命送陀林○三水小牘僧從諫卒遺言送尸于建春

門外屍陀林施與鳥獸為食三日後人往視之體

貌如生

林在王舍城側
故人多送其中

付金托友○唐李勉少貧與諸生共逆旅逆旅生且

出白金曰幸君以此為我葬餘則君自取之勉

密置餘金棺下後其家謁勉其啓墓出金付之

分香與姬○曹操持姬女而指季豹以示四子曰以

累汝因泣下又云餘香可分與諸夫人諸舍中無

所為學作履組賣也吾歷官所得綬皆著藏中五

餘衣裘可別為一藏不然者兄弟可共分之

留術付子○宋范文正公仲淹少時極貧悴常與一

術士遊病甚告文正曰吾有煉水銀法兒幼不足

以付今以方授子并白銀一斤內文正懷中後為

諫官術士之子已長取其方及白金授之封識宛

然

遺戒訓家○趙繫聞見錄宋景文公遺戒云吾歿之

後稱家有士以治喪用浣濯之衣鶴氅裘紗帽綫

履停棺三月葬慎無為流俗陰陽拘忌也棺用雜

木漆其四會。三塗即止。使數十年。足以腊五骸而已。吾學不名家。文章僅及中人。不足垂後。爲吏在良二千石下。非著數人。無功于國。無惠于人。不可請謚。不可受贈典。不可求巨公作碑誌。不可作道釋。二家齊黜。汝等不可違命。違命作之。是以吾歿爲無知也。

遺書

立言不朽○國語晉平公謂魯孫叔豹曰魯先大夫臧文仲其身沒矣其言立于後世此之謂沒而不朽

作書未成○桓譚著新論琴道一篇未成而卒。蕭宗使班固續成之○仲長統作昌言未竟而亡。後董襲撰次之○陸平原臨亡曰窮通時也。遭遇命也。古人貴立言以爲不朽。我作書未成。以此恨耳。

上封禪書○漢司馬相如既病。免居茂陵。天子曰。相如病甚。可往。悉取其書。使者往而相如卒。書曰。長卿未死時。有一卷書。白。有使者求書。奏之。乃遺札言封禪事。

求孔融文○魏文帝深好孔融文。詞每嘆曰。楊班儔也。募天下有上孔融文者。賞以金帛。

遺忠

盡忠公室○季文子卒。無衣帛之妾。無食粟之馬。無藏金。無重器。備君子以是知季文子之忠于公室。相三君而無積。可不謂忠乎。

不忘社稷○左傳。楚子囊卒。遺言謂楚子必城郢郢。楚所徙都。未有城郭。君子謂子囊君昏。不怠增其明。將死不忘。衛社稷。可不謂忠乎。

臨終憂國○王文度坦之爲中書。臨終與謝安桓冲書。言不及私。惟憂國家之事。

已死得書○魏徵既歿。太宗使人至其家得書一紙。如半藁。其可識者。天下之事。有善有惡。任善人則國興。用惡人則國敝。公卿之內。情有愛憎。憎者惟見其惡。愛者惟見其善。愛憎之間。所宜詳審。太宗曰。朕恐不免斯過。公卿侍臣。可書于笏。

疾革抗表○唐史。房玄齡寢疾。謂諸子曰。當今天下靖謐。咸得其安。唯東討高麗不止。方爲國患。主上含怒意決。臣下莫敢犯顏。吾知而不言。則銜恨入地。遂抗表諫。太宗曰。此人危憊。如此尚能憂我國家事。○張南軒杖疾。草親書遺表云。臣再世蒙恩。一心報國。大命至此。厥路無繇。猶有微誠。不能

自己。伏願陛下親君子。遠小人。信任防一己之偏。好惡合天下之論。則臣死之日猶生之年。

置尸牖下○家語衛蘧伯玉賢而靈公不用。彌子瑕不肖。反任之。史魚驟諫而不從。史魚病將卒。命其子曰。吾在衛朝不能進蘧伯玉。退彌子瑕。是吾爲臣不能正其君也。生而不能正其君。死無以成禮。我死汝置尸牖下。子我卑矣。其子從之。靈公弔焉。怪而問之。其子以其父言告公。公愕然失容曰。是寡人之過也。于是命之殯于客位。進蘧伯玉而用之。退彌子瑕而遠之。孔子聞之曰。吾之爲諫者。死則已矣。未有若史魚死而尸諫。忠感其君者也。可不謂直乎。

遺思

思法孝直○蜀法正死。先主征吳。群臣諫不從。及敗績。亮曰。法孝直若在。能制主上。令不東行。就復東行。必不傾危。

思檀道濟○宋檀道濟。文帝時爲司空。有威名。及見收。道濟目光如炬。曰。乃壞汝萬里長城。魏人聞之。曰。道濟已死。吳子輩不足復懼。頻歲南伐。有飲馬長江之志。及魏軍至瓜步。文帝嘆曰。若道濟在。豈

至此

念岑文本○唐太宗伐遼凡有籌度悉委岑文本。至幽州卒。其夕太宗聞嚴鼓之聲曰。文本殞逝情深。側怛。今宵夜警。所不忍聞。命停之。

優渥無量○褚無量卒。帝聞悼痛。詔宰相曰。無量朕師。今其永逝。宜用優典。于是贈禮部尚書。

歎魏徵亡○唐太宗遼東之役。李勣等力戰破之。軍還。悵然曰。魏徵若在。吾豈有此行耶。後臨朝。嘆曰。以人爲鑑。可明得失。魏徵逝。一鑑亡矣。

惜楊綰死○楊綰薨。上深悼之。顧謂侍臣曰。天不使朕致太平耶。何奪我楊綰之速也。

遺愛

九京武子○國語。趙文子與叔向遊于九京。曰。死者如可作也。吾誰與歸。其隨武子乎。納諫不忘其師。善言不失其友。事君不援而進。賢不阿而退。不肖也。

南國召公○甘棠美。召伯也。召伯之教。明于南國。蔽芾甘棠。勿剪勿伐。召伯所茇。

人皆流涕○子產相鄭二十年。卒。國人哭于巷。農夫傾郊。塋哭。商人罷市。而哀流涕。二月。而不聞琴箏。

之聲

童不謠謠○戰國策秦五殺大夫百里奚卒秦國男女流涕童子不歌謠春者不相杵

百姓圖像○先賢行狀豫州百姓皆圖陳仲弓元方季方三君之形象

四州哀哭○梁安成康王秀為南徐江荆郢刺史及薨四州裂裳為白帽哀哭以迎送之

百姓罷市○司馬溫公薨百姓罷市而往弔粥衣而致奠巷哭而過車道以萬千數而京師民畫其象

刻印鬻之○家置一本飲食必祝焉四友皆遣人求之京師時畫工有致富者

留寄遺象○張乖崖嘗守蜀及代去留一卷實封文字與僧正希白且云候十年觀此後十年公薨于

陳州計至蜀人罷市號慟希白為公設大會齋請知府凌策諫議發開所留文字乃公畫象衣兔褐

繫緇草屨自為贊曰乖則違俗崖不利物乖崖之名聊以表德遂畫于天慶觀僊遊閣其為之立祠

遺謀

走仲達○諸葛亮卒于軍楊儀等整軍而出百姓奔告宣王宣王追焉姜維令儀及旗鳴鼓若將向宣

王宣王乃退儀結陣而去。百姓諺曰：外諸葛走生仲達。

算張說○明皇雜錄姚崇張說同位宰輔崇病戒諸子曰：張相與吾交甚深，然其人稍奢侈。吾沒後，來弔汝當盛陳服玩寶器于帳前。若張不顧舉族危矣。彼若寓目當致此玩以神道碑請得其文。即時錄進，仍先礱石使速鐫刻。張料事遲數日後必追悔。姚沒，張果至，自其服玩者數四。諸子悉依教戒。時說筆有曰：八柱承天，高明之位，列四時成歲，享毒之功，存後數日。果取其本，欲重刪改。諸子引使

者視之，碑已工畢。說悔恨曰：外姚崇猶能筭生張說。

遺業

家無餘財○朱穆字公叔，祿任數十年，蔬食布衣，家無餘財。

官無留貲○本傳程昇身沒于官，第無留貲。世重其廉。

不增田廬○人物疏廣為子孫立產業，置田宅，廣曰：吾豈不念子孫哉？顧自有舊田廬，子孫勤力其中，可以共衣食。賢而多財，則損其志；愚而多財，則益

其過。且富者衆之怨也。我既亡以教子孫。不欲益其過。

僅有桑田。○武侯自表後。主曰。成都有桑八百株。薄田十五頃。子弟衣食自有餘饒。至于臣在外任。無別調度。隨身衣食。惟仰于官。不別治生。以長尺寸。臣死之日。不使內有餘帛。外有贏財。以資陛下。及卒。如所言。

田園分子。○姚崇先分其田園。令諸子姪各守其分。仍爲遺令曰。比見諸達官身亡。以後子孫既失。陸陸多至貧寒。斗尺之間。參商是競。陸賈石苞皆古之賢達也。所有預爲定分。將以絕其後爭。吾靜思之。深所歎服。

奉廩調親。○薛戎悉奉廩。調濟內外親。既病。以所有分遺之。曰。吾歿矣。可持爲歸資。衆皆哭而去。

貧無產業。○橋玄字公祖。爲太尉。久病卒。家貧乏產業。無所殯。

惟存圖書。○六帖。仲子陵及亡。其家所存。惟圖書及酒數斛而已。

布被覆尸。○高士傳。黔婁先生卒。曾西來。吊其尸在壙下。覆以布被。覆頭則足見。覆足則頭見。而曰。錢

其被則歛矣。妻曰斜而有餘，不若正之不足。先生生而不斜，而死斜之，非其意也。

始死

屬纊 ○喪大記屬纊，俟氣絕。注：纊，今之新綿，易動搖。置口鼻之上，以為候也。

易箒 ○檀弓曾子疾，曾元曾申坐于足。童子隅坐而

執燭。童子曰：華而晄，大夫之箒歟？曾子曰：然。斯季

孫之賜也。我未之能易也。起而易箒，曰：吾得正而

斃焉，斯已矣。反席未安而卒。箒，箒也。

徹縣 ○曲禮大夫無故不徹縣，士無故不徹琴瑟。注：鄭

云：憂樂不相干也。故謂災患喪病。

就木 ○左傳晉公子重耳奔狄，娶季隗，將適齊，謂隗

曰：待我二十五年不來而後嫁。對曰：吾二十五年

矣。又如如是而嫁，則就木焉。○李綱上書曰：綱老矣，

幸未就木，備位保傅。

蓋棺 ○晉劉毅曰：大夫蓋棺，事方定。

浴衣拭尸 ○喪大記拒，震用浴衣。鄭注云：拒，拭也。用生時浴衣，拭屍肉。

令燥也。

用巾拭髮 ○喪大記拒用巾。鄭注云：拒，晞也。清也。用

巾拭髮及面也。

楔齒用角柶 ○喪大記楔齒用角柶。鄭注云：為將念恐口閉急也。故

使小臣以桐柱張屍齒令開

綴足用燕几○喪大記綴足用燕几鄭注云綴猶拘也。不令其碎戾

也。

復

設階○喪大記復有林麓則虞人設階無林麓則狄

人設階注階所以乘之以升屋狄人樂吏之賤者

升屋○檀弓復盡愛之道有禱祠之心焉北面求諸

幽之義也升屋而號曰臯某復

招魂○檀弓邪婁復之以矢盖自戰于井陘始也注成

傷者多無衣以招魂鄭注云復謂招魂且分禱五祠庶幾其

精氣之返

求生○喪大記復衣不以衣尸不以斂婦人復不以

禭注云禭音髡嫁時服復本求生用生施歿于義相反

稱名稱字○喪大記男子稱名女子稱字

公館私館○喪大記其為賓則公館復私館不復注私

館不復謂主人惡之也公所曰公館卿大夫之家曰私館

四郊建綏○周禮以乘車建綏復于四郊注云此天子之禮也

綏謂旌旗之旄也

三號投衣○喪大記復者朝服大夫以玄纁世婦以

禮單衣士爵弁士妻以稅稅衣皆升自東榮中屋

履危。北面三號。卷衣投于前。

復以乘車。○雜記諸侯行而死于館，則其復如于其

國。如于道，則升其乘車之左轂，以其綏復。

復以袞衣。○雜記復諸侯以袞衣。鄭注云：復招魂復鬼也。袞衣亦始命

為諸侯及朝覲見加賜之衣也。袞猶進也。

復于太祖。○周禮夏采職大喪，以冕服復于太祖。鄭注

云：夏采，天子之官，故以冕服復于太祖。天子之禮也。太祖始祖廟也。

復于小寢。○檀弓君復於小寢，大寢，小祖，大祖。薄門四郊。

魂離而筮。○宋玉招魂序，帝謂巫咸，有人在下，我欲

輔之，魂魄離散，汝筮予之。

哈

進士。○禮郊喪考公之喪，徐君使容居來弔，哈曰：寡

君使容居坐哈，進侯玉。有司曰：諸侯之來辱敝邑

者，易則易，于則于。易于雜者，未之有也。注：易，臣禮也。于，君禮也。

也。雜者，容居人臣而行君禮也。

委壁。○禮雜記哈者，執壁曰：寡君使某哈。子拜稽顙。

含者坐委于殯東南。

口實。○春秋說題辭，口實曰哈。象生時食也。天子以

珠，諸侯以玉，大夫以璧，士以貝。

瞑受。○傳荀偃卒而視，不可哈。范宣子撫之，乃瞑受。

哈

用采貝○禮飯用采貝不忍虛也

共飯熬○周禮合人共飯米熬穀

行具哈玉○傳齊吳戰于艾陵陳子行命其徒具哈

玉注示將

死何含珠○莊子儒以詩禮發家大儒曰東方作矣

事之何若小儒曰未解裙襦口中有珠詩曰青青

之麥生于陵陂生不布施死何含珠為儒以金槌

控其頤徐別其頰無傷口中珠

榮叔歸哈○傳王使榮叔來歸哈且贈

諸侯請哈○諸侯伐秦曹宣公卒于會諸侯請哈復

之襲注襲非也賤者事也

贈早哈晚○贈以早哈以晚

使弔次哈○記諸侯使人弔其次哈祿贈臨皆同日

其次如此也注五者同時而相次也

殯殮

熬○禮熬君四種八筐大夫三種六筐士二種四筐

加魚腊注熬煎穀也將塗設于棺旁所以惑蚍蜉不至棺也士喪禮熬黍稷各二筐大夫加

梁君加稱也

塗○禮君殯用韜春擯置于上畢塗屋大夫殯用幬

攢置于西序。塗不暨于棺。士殯見任。塗上帷之。注。攢。聚也。屋。殯上覆如屋者。幬。覆也。暨。及也。大夫之殯。置棺西墻下。就墻攢其三面塗之。不及棺者言攢中穴狹小。裁取容棺。

衣尸○禮喪大記衣尸曰歛。君以篋席。大夫以蒲席。士以葦席。

附身○檀弓三日而殯。附于身者必誠必信。勿之有悔焉耳矣。注。附于身謂衣衾棺槨。

書日○左傳魯卿大夫卒。公不與。小歛則不書日。注。不書卒日。所以紀恩厚薄。

徹帷○禮尸未設飾。故帷堂。小歛而徹帷。

望從○禮既殯。望望如有從而不及。

耻具○檀弓子曰。喪具。君子耻具。一日二日而可為者。君子不為也。

殯于客位○喪大記。喪禮每加以遠。小歛于戶內。大歛于阼。殯于客位。注。所以即遠也。

歛以時服○虞殯。大夫三日而殯。諸侯五日而殯。歛以時服。

東階西階○檀弓。夏后氏殯于東階之上。則猶賓之也。周人殯于西階之上。則猶賓之也。

以篋以席○檀弓詳前。

五父之衢○禮孔子少孤不知其墓殯于五父之衢

人見之者皆以為葬也其引也蓋殯也注葬引與殯引異

兩楹之間○禮殷人殯于兩楹之間則與賓主夾之

也

敬姜始帷○禮帷殯非古也自敬姜之哭穆惟始也

季文無箒○季文子卒大夫入歛公在位宰庵家器

為蒞注公在位位阼階西享禮曰公

適其升自阼階不敢右其室也藏金玉無重器備

掘肆見注○儀禮士喪禮掘肆注云肆埋

之阼階上

贈寶示奸○家語季平子卒將以君之與潘歛贈以

珠玉孔子聞之曰送死以寶玉是猶暴屍于中原

也示人以奸利之端

後歛俟生○問喪云或問曰死三日而後歛者何也

曰孝子親歿悲哀志懣故匍匐而哭之故曰三日

而後歛者俟其生也三日而不生亦不生矣

大歛絞紵○問喪云大歛布絞縮者三橫者五

喪主

族人○禮姑姊妹其夫死而夫黨無兄弟使族人主

喪

里尹○妻之黨雖親弗主。夫若無族。則前後家東西

家無則里尹主之。注。問。胥里宰之屬。

男同姓○男主必使同姓

女异姓○婦主必使异姓。注。謂無主後者。异姓同宗之婦。婦人外成之義。

雖疏亦虞○主兄弟之喪。雖疏亦虞之。注。喪事。祔虞乃畢。

以義為主○伯臯歿。赴于孔子。孔子曰。夫繇賜也。而

見我焉。吾哭。諸賜氏遂命子貢為之主。曰。為爾哭

也。來者拜之。知伯臯而來者弗拜也。

婦喪祔廟。舅主○婦之喪。虞卒哭。祭。婦非舅事。

則舅主之。注。虞卒哭。祭。祭婦非舅事也。祔于祖廟。尊者宜主。

兄弟同居各主○凡喪。父在。父為主。父沒。兄弟同居

各主其喪。注。父主與賓客為禮。宜使尊者也。各主。各為其妻子主喪也。

無女則男無男則女○無女主。則男主拜女賓于寢

門內。無男主。則女主拜男賓于阼階下。子幼。則以

衰抱之。代之拜。喪有無後。無無主。

親同以長不同以親○親同。長者主之。不同。親者主

之。注。若昆弟之喪。宗子主之。不同。親者主之。

計

痛臣子○白虎通。臣歿亦赴。告于君。何。此君哀痛于

臣子也。欲聞之。加賻賜之禮。

哭諸侯○白扁通天子聞諸侯薨哭之何慘也

哀痛之至也使大夫弔之追遠重終之義也

寡君不祿○雜記君討施于他國之君曰寡君不祿

敢告于執事夫曰寡小君不祿夫弔之喪曰寡

君之適子某死

小君不祿○詳上

臣子哀痛○白虎通天子崩訃告諸侯緣臣子喪君

哀痛憤懣無能不告語人者也諸侯薨欲聞之又

常持土地所出以饗喪事

臣歸珪○白扁通諸侯薨使臣歸瑞珪于天子諸

侯以瑞珪為信今死矣嗣子諒闇三年後

更爵命故歸之推讓之義也

君之臣某死○雜記凡赴于其君曰君之臣某

云赴至也臣死其子使人至君所告之

君適子某死○詳上

奠

卷俎○禮曾子曰子不見大饗乎既饗卷三牲之俎

歸于賓館父母而賓客之所以為哀也

齊酢○禮小祥之祭主人之酢也齊之眾賓兄弟皆

啐之犬祥主人啐之注齊至齒啐入口

坐奠○禮子曰予疇嘗夜夢坐奠于兩楹之間殷人
奠于兩楹之間而丘也殷人也坐奠所以爲凶象
也

苞奠○禮大夫之喪既薦馬薦馬者哭踊出乃苞奠
而讀書

朔奠○禮有薦新如朔奠

殷奠○禮大夫士若君不戒而往不與殷奠君退必

奠

苞其餘○或問曾子曰既奠苞其餘猶既食則裹其

注言傷
廉也

數而藏○既夕禮苞牲用下體遣車視牢具遣奠牲

體數奠而藏之

脯醢之奠○始死脯醢之奠將小遣而行之既葬而

食之未有見其享之者爲使人勿倍也

注謂脯醢
之奠將行

之乃葬而
食之也

朝夕之奠○朝奠日出夕奠逮日

注云陰陽交
接庶幾遇之

小斂之奠○子游曰于東方曾子曰于西方斂斯席

矣小斂之奠在西方也魯禮未失也

小祥之奠○小祥者主人練祭而不旅奠酌于賓賓

弗舉禮也魯昭公練而舉酌行旅非禮也孝公大

祥奠酌弗舉亦非禮也

始死之奠○禮始死之奠其餘閣也與

及奠不奠○自及葬不奠務于常葬

終素器而展哀○奠以素器以生者有哀系之心

雖般事以盡敬○月朔月半薦新之奠

潔爾牛羊不聞于利奠○

去其黍稷寧并乎載棖○載棖非禮也遣奠無黍稷

奔喪

奔喪之禮○禮奔喪奔喪之禮始聞親喪以哭

者盡哀問故又哭盡哀遂行日行百里不以

唯父母之喪見星而行見星而舍若未得行則成

服而後行過國至境哭盡哀而止哭辟市朝望其

國竟哭至于家入門左升自西階殯東西面坐哭

盡哀括髮袒降堂東即位西向哭成踊襲經于序

東絞帶反位拜賓成踊送賓反位有賓後至者則

拜之成踊送賓皆如初

聞父母喪○奔喪鄭注云親父母也以哭答使者驚

但之哀無辭也問故問親喪所由也雖非父母聞

喪而哭其禮亦然也

聞兄弟喪○雜記凡异居始聞兄弟之喪惟以哭對

可也鄭注云。惻怛之痛。不以辭言為禮也。

成服而行○**奔喪**若未得行則成服而後行鄭注曰。謂以君

命有為者也。成喪服。得行則行。

見星而行○**奔喪**見星而行見星而舍鄭注云。侵晨冒晷。彌益促

也○曾子問云。見星而行唯罪人與奔父母喪者

乎

不避晝夜○**祭統**奔父母之喪。不避晝夜。齊衰喪。見

星而行。見星而止。

別于昏明○**奔喪**日行百里不以夜行。鄭注曰。雖有

哀戚猶避害也。晝夜之分別于昏明。哭則遂行者

不為位也

望國竟哭○**奔喪**望國竟哭鄭注曰。斬衰者也。自是哭且遂行。

望鄉而哭○**奔喪**齊衰望鄉而哭。大功望門而哭。小

功至門而哭。總麻即位而哭鄭注云。奔喪哭親踈遠近之差也。

哭辟市朝○**奔喪**過國至境哭。盡哀而止。哭辟市朝

鄭注云。感此念親。辟市朝。為驚眾也。

哭面墓西○**奔喪**齊衰以下不及殯。先之墓。西面哭

盡哀。免麻于東方。即位與主人哭。成踊。襲有賓則

主人拜賓。送賓。賓有後至者拜之如初。相者告事

畢鄭注云。不北面者。亦統于主人。不言祖言襲者。容齊衰親者。或祖可。

就次成服○奔喪奔喪不及殯先之墓北面哭盡哀

主人之待之也即位于墓左婦人墓右成踊盡哀

括髮即主人位經絞哭成踊拜賓反位成踊相者

告事畢遂冠歸就次于位又三哭猶括髮成踊三

日成服于位五哭相者告事畢鄭注云主人之代

于墓謂父母祖則又哭三哭不袒者哀以久殺成

服之朝為四哭謂既期乃至其未期猶朝夕哭不

在軍不奔○祭統行命出使臨在軍旅雖衰不奔可

也

至家襲經○禮至家襲經于序東經帶反位拜賓成

踊注又哭乃經者發喪已踰日節于是可也其未

拜賓就其位既

入門免麻○奔喪者非主人則主人為之拜賓送賓

奔喪者齊衰以下入門左中庭北面哭盡哀免麻

序東即位袒與主人哭成踊注升哭者非父母

之喪統于主人也

如朝夕哭○丈夫婦人侍之皆如朝夕哭位無變注

若賓客

如奔父母○為母所以异于父者一括髮其餘免以

終事他如奔父之禮

不奔為位○若除喪而後歸則先之墓哭成踊東括

髮袒經。遂除于家。不哭。

除喪成踊○聞遠兄弟之喪既除喪而後聞免袒成

踊拜賓則尚左手

注尚左手吉拜也。凡為位者不奠。

婦人奔喪○升自東階。殯東。西面坐哭。蓋哀東。髮。即

位。與主人拾踊

注婦人髮于東序也。不髮于房。變于室也。去縱大紒曰髮。拾東也。

奉使奔喪○吳志虞翻別傳。王朗使翻見豫章太守

華歆。圖起義兵。未至。聞孫策向會稽。翻還。遭父憂

以奉使有節。不過家。追朗至候官。還然後奔喪。

徒跣奔喪○張曲江自徐州被髮。徒跣趨喪所。負上

築塋。晨夕號慟。

弃子奔喪○李孝女名妙法。瀛州博望人。安祿山亂

被劫。徙他州。聞父亡。欲問道奔喪。一子不忍去。割

一乳留以行。

奔喪不哭○王獻之卒。兄徽之奔喪不哭。直上靈床

坐。取獻之琴彈之。久而不調。嘆曰。嗚呼。子敬人琴

俱亡。因頓絕。月餘

奔喪得罪○魏常林傳。吉黃為長陵令。時科禁長吏

擅去官。而黃門司徒趙溫。薨自以為故吏。奔喪為

司隸鍾隸所收。遂伏法死。

不奔喪

港確類書 卷七
吳起○史記吳起家累千金遊仕不遂遂破其家鄉黨笑之殺其笑者三十餘人出衛郭門與其母別齧臂而盟曰起不爲卿相不復入衛遂仕于魏爲將母歿終不歸曾子以爲薄于孝而絕之

陳湯○漢陳湯不奔父喪

孫權詔○三國史孫權詔二年之喪人情之極痛世治無事君子不奔人喪有事則殺禮從宜以義斷恩也

顧譚議○三國史顧譚議以爲奔喪立科輕則不足

禁孝子之心重則本非應歿之罪愚以爲長吏在

遠苟不告語勢不得知比選代之間若有傳者必加大辟則長吏無廢職之負孝子無犯罪之刑胡綜議宜從科以大辟有犯無赦其後有吳縣令孟宗奔母喪而自拘于武昌以聽刑陸遜陳其素行減死一等

去官持服

致事○記夏后氏既殯而致事殷人既葬而致事周

人卒哭而致事

注謂還職位于君

行服○後漢趙岐去官爲親行服

舅喪○晉郤鑿字道微值永嘉亂窮餒鄉人其飼之

潛確類書 卷十一
每攜兄子邁外孫周翼往就食鄉人辭不能兼鑒
乃獨送著飯兩頰還吐食二兒並得存鑒卒翼解
職席苦心喪三年

姊喪○陳重爲細陽令政有異化州舉充邑當遷會
稽太守以姊喪去官

伯父喪○戴封以伯父喪去官

異母喪○漢韓宣第修爲臨淄令後母卒去官持服
宣謂修三年喪人少能行兄弟相駁脩竟行三年
不從政○禮父母之喪三年不從政
不貳事○喪不貳事不從政也

奪喪不可○君丁不奪人之喪喪亦不可奪

從利不知○今以三年之喪而從其利者吾不知也
居喪

總○曲禮居喪之禮毀瘠不形視聽而衰升降不二
阼階出入不當門隧居喪之禮頭有創則沐身有
瘍則浴有疾則飲酒食肉疾止復初不勝喪乃比
于不慈不孝五十不致毀六十不毀七十惟衰麻
在身飲酒食肉處于內

致哀○擅弓事親服勤至死致喪三年注致哀于喪
去飾○袒括髮去飾之甚也

衰戚○檀弓喪禮哀戚之至也。

創痛○禮記問三年之喪何也。曰創鉅者其日久痛

甚者其愈遲。三年者稱情而立文。所以為至痛極

也。言居親之喪。譬如創之鉅者。其日必久。痛之甚者。其愈必遲也。

荼毒○晉孫綽詩序。自丁荼毒。載罹寒暑。不勝哀號

作詩一首。敢謂諒闇之譏。以仲罔極之痛。諒闇。天子居喪

之名。詩蓼莪篇云。欲報之德。昊天罔極。

專席○曲禮有喪者專席而坐。

扶杖○儀禮喪服杖者何也。曰竹桐一也。何為也。曰

孝子身病體羸。以杖扶病也。父母在則不敢杖。父

尊者在故也。

在疚○周頌閔予小子。遭家不造。嬛嬛在疚。

讀禮○曲禮居喪未葬。讀喪禮。既葬。讀祭禮。喪復常

讀樂章。居喪不言樂。祭祀不言凶。鄭注云。為禮各

以其時。

示終○喪不過三年。示民有終也。

念始○節哀順變者。君子念始。詳慰恤類。

風樹○曾子曰。樹欲靜而風不止。子欲養而親不待。

杯澤○母沒而杯棬不能飲。口澤存焉。爾

稱家○喪不貳事。稱家之有無。

見殺○禮見親疎之殺焉

皇皇○始死皇皇焉如有求而不得

繭繭○言容繭繭

注。整氣。微也。

居倚廬○周禮宮正注親者居倚廬賤者居墜室○

檀弓居倚廬

孟康注。倚廬。倚墜。至地而為之。無楣柱。

○問喪居于倚

廬

設菰廬○王肅居喪服要記魯哀公葬父孔子問曰

寧設菰廬乎哀公曰菰廬起太伯太伯出奔聞古

公崩還赴喪故作菰廬

致其哀○孝經孝子之事親也居則致其敬養則致

其樂病則致其憂喪則致其哀祭則致其嚴五者

備矣然後能事親

鄭注云。擗踊哭泣盡其哀情。

有餘哀○喪不若禮不足而哀有餘

禮無容○孝經孝子之喪親也哭而不偯禮無容言

不文服美不安聞樂不樂食旨不甘此哀戚之情

也

鄭注云。禮無容。觸地無容。言不為文飾。

哭無時○檀弓父母之喪哭無時

外艱內艱○父亡曰外艱母亡曰內艱

何怙何恃○詩無父何怙無母何恃入則銜恤出則

靡至父兮生我母兮鞠我

靡瞻靡依○詩靡瞻匪父靡依匪母

稱情稱服○禮雜記子貢問喪子曰敬為上哀次之

瘠為下顏色稱其情戚容稱其服

如斬如剡○雜記縣子曰三年之喪如斬菴之喪如

剡鄭注云言其痛之惻惻但有深淺也

若苴若泉○間傳斬衰貌若苴齊衰貌若泉大功貌

若止小功總麻容貌可也此哀之發于容體者也

鄭注云有大憂者而必深悲止謂不動于喜樂之事

如慕如疑○檀弓其往也如慕其反也如疑

慨然廓然○檀弓練而慨然祥而廓然

繩纓管屨○喪服四制父母之喪衰冠繩纓管屨三

月而食粥三月而沐○左傳齊晏桓子卒晏嬰苴

經帶杖管屨

齊疏餼粥○孟子滕文公篇三年之喪齊疏之服餼

粥之食自天子達于庶人三代共之

寢苦枕塊○禮記三年問曰斬衰苴杖居倚廬食粥

寢苦枕塊所以為至痛節也○問喪篇云居于倚

廬哀親之在外也寢苦枕塊哀親之在土也

以土枕頭

蔬食飲水○禮三年之喪蔬食飲水

被髮徒跣○唐禮志男子白布衣被髮徒跣婦人女子青練衣去首飾齊衰以下丈夫素冠主人坐于床東啼踊無數衆主人兄弟之子在其後皆西面南上哭妻坐于床西妾及母子在其後哭踊無數擊胸稽顙○問喪云喪禮唯哀爲主矣女子哭泣悲哀擊胸傷心男子哭泣悲哀稽顙觸地無容哀之至也○又婦人不爰袒故發背擊胸稽顙殷殷田田如壞墻然悲哀痛疾之至也○雜記三年之喪以喪拜稽顙而後拜爲妻父母在不杖不稽顙母在不

稽顙

變形痛心○禮問喪篇父母之喪不避涕見人夫悲哀在中故形變于外也痛疾在心故口不甘味身不安美也

柴骨藥心○陳子昂集殘喘胡顏柴骨藥心如哀苦廬銜恤終祀悲摧藥棘思結寒泉

灰心垢體○白侍郎集灰心垢體泣血漣漣松檟之下其生尚殘與其偷生而孤苦不若就死而團圓欲自決以毀傷思虧孝於歸全

酸鼻痛骨○江文通書履影吊心酸鼻痛骨

殞涕薰心○韓文頌涕薰心

毀瘠不形○詳總

擗踊有算○擗踊哀之至也。有算為之節文也。法。算數也。

○擗踊哭泣哀以送之

哀不傷性○禮祭統所以喪三年何復父母之恩也。

夫三年之後饑能食寒能索衣聖人量時制服

于中賢者俯而就之以盡其哀不肖者企而及之

不足傷性也

哭無常聲○雜記曾申問于曾子曰哭父母有常聲

乎曰中路嬰兒失其母焉何常聲之有

遽不凌節○喪事雖遽不凌節故騷騷爾則墊鼎鼎

爾則小人君子蓋猶猶爾注。騷騷太疾鼎鼎太一舒猶猶舒疾之中

毀不滅性○三日而食三月而沐期而練毀不滅性

不以歿傷生也

哀于飲食○間傳斬衰三日不食齊衰二日不食大

功三不食小功總麻再不食此哀之發于飲食也

哀于居處○間傳齊衰之喪居堊室戶剪不納大

功之喪寢有席小功總麻床可也此哀之發于居

處者也

哀于聲音○間傳斬衰之哭若往而不返齊衰之哭

若往而返大功之哭三曲而哀小功總麻哀容可

也此哀之發于聲音者也

鄭注云三曲一舉聲而三折也哀聲之從容也

哀于言語○間傳斬衰唯而不對齊衰對而不言大

功言而不議小功總麻議而不及樂此哀之發于

言語者也

鄭注曰議謂陳說非時事也

茶蓼之苦○陳蕃傳茶蓼之苦○小苾未堪家多難

予又集于蓼

蓼莪之德○詩蓼莪篇蓼莪者莪匪莪伊蒿哀哀父

母生我劬勞出則銜恤入則靡至欲報之德昊天

罔極

勉而為瘠○魯悼公喪孟敬子曰勉而為瘠則吾能

毋乃使人疑夫不以情居瘠者乎

病不知哀○喪食雖惡必充饑饉而廢事飽而忘哀

非禮也視不明聽不聰行不正不知哀君子病之

故有疾飲酒食肉皆為疑歟

儼然憂服○檀弓吾子儼然在憂服之中

憔悴苦塊○唐史于志寧憔悴在苦塊之中

無總麻喪○明皇雜錄崔琳三十年間無中外總麻

之喪

請小功服○文粹魏徵定服制義嫂叔不服蓋推而

遠之也或有長年之嫂遇孩童之叔劬勞鞠養情

若所生稱情立文其義安在。叔嫂舊無服請服小
功五月。

求尸漬血○唐書唐王少玄父隋末兵亂少玄甫
六歲時即哀泣求尸時楚中白骨覆地或曰以子
血漬而滲者父齒也少玄纓膚閔旬而獲屍

徒跣護柩○孔帖崔衍居父喪徒跣護柩行千里道
路爲流涕○李百藥侍父母喪還鄉徒跣數千里
雖除喪容貌癯毀者累年○劉審禮父母非葬徒
跣血流行路咨嘆審禮爲虜執持詔令其庶子易
從省之既至審禮率易從晝夜哭不止時蕃哀其

志乃還父尸徒跣萬里扶護以歸見者流涕

和嶠生孝○晉王戎字濬冲爲吏部尚書子母憂性
至孝不拘禮制飲酒食肉或觀奕棋而容貌毀悴
杖而後起和嶠亦居父喪以禮法自持量米而食
而哀毀不踰于戎武帝謂劉毅云和嶠使人憂之
對曰嶠雖寢苦食粥乃生孝耳至于王戎所謂死
孝陛下當先憂之

伯鸞歿孝○典略戴伯鸞母卒居廬啜粥非禮不行
弟叔鸞食肉飲酒哀至乃哭二人俱有毀容世謂
伯鸞歿孝叔鸞生孝

水漿不入口。○間傳親始死惻怛之心痛疾之意水漿不入口三日不舉火故隣里爲之糜粥以飲食之○檀弓曾子謂子思曰及吾執親之喪也水漿不入口者七日子思曰先王制禮也過之者俯而就之不至焉者攸而及之故君子執親之喪也水漿不入口者三日杖而後能起鄭注云爲曾子言難繼以禮抑

泣血不見齒○檀弓高子臯之執親之喪也泣血三年未嘗見齒君子以爲難

無服不爲位○奔喪哭父之黨于廟母妻之黨于寢

師于廟門外朋友于寢門外所識于塾張帷鄭注云黨諸族類無服者也逸奔喪禮曰哭父族與母黨于廟妻之黨于寢朋友于寢門外一哭而已不踊言一哭而已則不爲位也

喪者不遺人○雜記喪者不遺人人遺之酒肉受可也從父昆弟以下既卒哭遺人可也

公門稅齊衰○服問唯公門有稅齊衰

小祥食菜果○間傳父母之喪既虞卒哭蔬食水飲不食菜果暮而小祥食菜果又暮而大祥有醯醬中月而禫禫而飲醴酒

無改于父道○論語父沒觀其行三年無改于父之道

不能讀父書○禮父沒而不能讀父之書手澤存焉爾

國禁哭則止○謂國有大祭

婦既葬而歸○婦人不居廬不寢苫不枕塊父母既

練而歸期九月既葬而歸注。歸。謂。歸。夫。家。

不食菜不飲酒○間傳父母之喪不食菜果大功之

喪不食醯醬小功總麻不飲醯酒此哀之發于飲

食者也

不慮居不危身○檀弓喪不慮居為無廟也毀不危

身為無後也鄭注云慮居謂賣宅以奉喪危身謂憔悴將滅性

過哀

孺子泣○禮弁人有其母死而孺子泣者孔子曰哀

則哀矣而難為繼也

嬰兒哭○詳前哭無常聲

禫而不樂○孟獻子禫縣而不樂比御而不入夫子

曰獻子加于人一等矣

杖而能起○漢萬石君元朔五年卒建哭泣杖而能

起後歲餘亦卒

毀瘠幾死○合璧劉滋居母喪毀瘠幾死時謂劉孝子

哀感不食○唐書高士廉子履行居母喪毀甚太宗御賜強食○孔帖丁公著三歲喪母七歲見隣媪

抱子哀感不肯食父喪貌力癯瘠見者憂其死

嗌不粒食○徐浩張曲江碑張曲江公丁內憂奔喪南歸勢無圖生嗌不粒食

疾不如薤○孔帖郭曜居喪以禮疾甚或勸茹葱薤終不屬口

毀滅糲食○孔帖羅遜父喪幾毀滅服除布衣糲食

居喪柴瘠○孔帖唐宗室嵩居母喪柴瘠服除家人未嘗見言笑

三年泣血○見前泣血見齒條

五日不食○檀弓子春之母死五日不食曰吾悔之先王制禮患其過于制不以死傷生也○唐書房玄齡父喪食飲不入口五日

三年不出廬○孔帖路敬淳居親喪倚廬不出者三年服除號慟入門形容癯毀妻不之識

五十猶麻線○崔祚甫汾河義橋記絳人三十喪父母五十猶麻線故鄉黨稱氏不名貴之也

忘哀

有容○曾昭公居喪而不哀。在戚而有喜容。比及葬

三易衰。衰祗如故衰。

注。言婦戲無度。

不戚○葬齊姜。昭公不戚。晉使者曰。其不沒乎。有三

年之喪。而無一日之戚。

注。昭公母也。

飽食○喪食飽而亡哀。非禮也。鳥獸之不若

易衰○見上

安衣錦○宰我問。三年之喪。期已久矣。子曰。食夫稻。

衣夫錦。于汝安乎。對曰。安。

見素冠○詩序曰。素冠。刺不能三年也。曰。庶見素冠

兮

民未聞○檀弓。曾子責子夏曰。喪爾親。使民未有聞

焉

吾何觀○論語。臨喪不哀。吾何以觀之哉。

有疾

體羸○孝子服勤三年。身病體羸。以杖扶病可也。

形變○悲哀在中。故形變于外。疾痛在心。口不甘味。

食不安美也。

毀瘠○毀瘠為病。君子不為也。

創瘍○居喪之禮。頭有創。則沐。身有瘍。則浴。有疾。則

飲酒食肉。疾止復初。互見前

不可備禮○禿者不免偃者不袒。跛者不踊。非不悲也。身有痼疾。不可以備禮也。

必以滋味○曾子曰。喪有疾。食肉飲酒。必有草木之

滋焉。以為薑桂之謂也。注。增以香味。為其疾不嗜飲食也。

傷腎焦肺○言痛之甚也。

痛心疾首○

喪食附

無鹽酪○夫功衰。食菜果。飲水漿。無鹽酪。不能食。食

鹽酪可也。注。功衰。齊。斬之末也。

辭酒醴○既葬。若君食之。則食之矣。大夫。父之友。食

之。則食之矣。不避梁肉。若有酒醴。則辭。注。變顏色。故不可。

居喪食粥○魯桓公之喪。季昭子問于孟敬子曰。為

君何食。敬子曰。食粥。天下達禮。

君命食歠○歠徹主人主婦室老為其病也。君命食

之。注。尊者易奪人也。

不使醉飽○禮君之母與妻之喪。比之兄弟。發諸顏

色。亦不飲食。注。兄弟之喪。內除也。小君輕服。亦內除也。發諸顏色。謂釀。酒食。使人醉飽。

衍爾飲食○君之母與妻之喪。居處飲食言語。衍

爾注。衍爾自得貌。

越禮

奏妓○晉梁龕明日當除服今日請客奏妓周顛等三十人同會丞相司直劉隗奏請免龕官削侯爵顛等奪一月俸出龕為廬江守

燕賓○傅叔向曰周景王一歲而有三年之喪二焉以喪賓燕必求彝器王雖弗遂燕樂既畢非禮也

注。王后太子卒

生子○宋子明謂桐門右師曰吾猶衰經而子擊鐘何也右師曰喪不在此故也退而告人曰已衰經

而生子余何故捨鐘

注。已子明也子明右師同宗故相責

追婢○阮咸居喪借馬追姑家婢時甚非之

賭碁○晉阮籍至孝母終與人圍碁對者求止籍留

賭既畢而飲二斗一號吐血數升將葬又食一蒸

豚飲酒二斗又吐血毀瘠骨立

觀奕○王戎事見和喻生孝條

彈琴○姚興時京兆韋高慕阮籍為人居喪彈琴飲

酒黃門郎吉成誥以文章雅正參掌機密聞之泣

曰吾秘刃斬之以樂風教遂持劍見高高懼而逃

戲博○袁耽字彥道佃儻不羈桓温少時游博徒資

產盡猶有負欲求濟于耽耽時在艱畧無難色遂服壞布帽隨溫與債主戲耽素有博藝債者聞之而未相識謂之曰卿富不便作袁彥道否遂就局十萬一賭直上百萬耽投馬絕叫探布帽擲地曰竟識袁彥道否其通脫如此

不制服○後漢袁閎居士室母及不為制服設位世莫能名

不廢樂○晉謝安自第謝萬喪後十年不聽音樂及登台輔期功之喪不廢絲竹王坦之諫之不從衣冠效之

使婢丸藥○晉陳壽居喪毀瘠疾病使婢丸藥弔客來見之獲譏于世沈累數年

責宗擊鐘○詳前生

廬墓孕育○後漢陳蕃為樂安太守民有趙宣葬親不閉延隧居其中行服十二年蕃與相見及妻子而宣五子皆服中生蕃大怒曰寢宿冢藏而孕育其中誑時惑眾誣汗鬼神遂致其罪

召人作樂○南漢劉玠襲在殯名伶人作樂裸男女以為樂

匿喪受封○後漢李燮為河南尹先是潁川甄

附梁冀為鄴令有同歲生得罪于冀亡奔犍邵偽
納而陰告冀即捕殺之邵當遷郡守會母亡御埋
葬馬屋先受封然後發喪還至洛熒行途遇之使
卒投車于溝中笞捶亂下大署帛于背曰誦貴實
友貪官埋母乃具表狀遂廢錮終身

匿喪典軍○李抱真卒其子殿中侍御緘匿喪與其
屬盧會昌元仲經謀會諸將仲經詭抱真令曰吾
疾不在事令緘典軍勉佐之副使李說及諸將俯
首皆曰諾緘盛服出衆拜之

重喪不哭○唐承陪大亂風俗薄惡人不知教御史
大夫韋挺上疏
吳天國極創巨之
終身何已今衣
不哭謂為重喪創
來弔輒不臨舉
集相與醉酣名曰出

孝望一切懲革
制中不詩○晉歐陽
以憂制中不作詩陳
履常不飲酒東坡一
日設

不作詩坡云商也哀未散歲月忽已秋祥琴雖未
調餘悲不敢留矧此乃韻語未入金石流君言不
能詩此語人信否陋矣陶士衡當以太白浮明當
罰二子已洗兩玉舟

喪居作詩○江鄰幾雜誌梅聖俞至寧陵寄詩云獨
護慈母喪淚與河水流河水終有竭淚泉常在
彥猷持國說作詩早子應之以蓼莪及傳成贈王
何二侍中詩亦如此○按晉孫綽詩序目丁荼毒
載罹寒暑不勝哀號作詩一首敢冒涼闇之議以
伸罔極之痛故洪玉父以魯直丁母憂絕不作詩
夫魯直不作者以非思親之詩也孫綽作者以思
親之詩也聖俞之早庸何傷乎秦少遊初過涪溪
題詩云玉環妖血無人掃以被責憂畏又方詩喪
手書此詩借文潛之名後人遂以爲文潛詩也

婚喪

魯莊納幣○左傳冬公如齊納

責而自明也去年文
姜薨今未二三年也

韓預強聘○梁州刺史楊

長史韓預強聘其女張輔

夫人至齊○公羊傳夫人婦

也說喪內娶無取公之道公

莊公如齊○詳前

變服親迎○五代史張孝忠子

亡遺言丐成禮太常博士

注二魯莊公上
譏喪娶者不待取

喪未經旬且車騎

中再貶預以清風俗

至自齊不稱姜氏取

與夫人一體也

茂宗尚義章公士母

彤等諫曰婚禮所以

承宗廟繼後嗣也。安有釋親迎以凶續嘉。為朝廷爽也。

叔母喪而婚。○晉王籍之。

婚亦相司直劉隗奏之。

一之謂也。○解林宗今下。

叔父喪而嫁。○顏公。

膠六奏之。

服衣冕裳。去聖室。行

于文學。居叔母喪而


聘。稱殺禮多婚。今日

謂也。

謂叔父喪而嫁。九

叔父喪而嫁。○顏公。

謂叔父喪而嫁。九



113